

廣東通志

ル 5  
1508  
25





[Faint red rectangular stamp]

~~明儿5  
1508  
25~~

特

明儿5  
1508  
25



廣東通志卷之五十五

雷州府志四十二




雷州府

輿圖

昔在春秋雷疆於楚所謂華夷之雜也地盡東南縮  
 山海之利其民不待賈而足故分域而辨其守要在  
 起皆窳之習而禁其浮淫威猛不事坐守四封而周  
 澤渥焉斯有雜民而無秕政國家賴之迨嘉靖末倭  
 警時見告矣慎在守禦則桑土之謀也







仲式

雷州海郡也五嶺之地此為極南地濕而熱積土薄而陽氣洩夏秋颶風大作驅潮則鹹流逆上挾雨則拔屋撼山昔人謂雷地瀕海山少又曰航海之津渡豈虛語哉我朝羅福以全城歸附遂改雷州路為府附郭為海康縣北負高涼東通閩浙其山擎雷下有擎雷之水二源交流會合而入于海海曰東洋思靈島聳其中又曰西洋徒會山浮焉北一百八十里為遂溪有湖光巖其陽有鐵耙溪而武樂之水出螺岡下南一百五十里為徐聞尖山其石環峙東北有

廉賔之水經那網青銅出於沙港海潮滙焉夫雷地瀕炎海巨濤洪湧彌望渺漫故美兵潢池之上者舳艫交擊適者採珉之使偶出而投籍報效之徒借名利國橫行劫掠沿海小民受鋒鏑者多矣肅奸保障之政其能緩乎以東西二洋倭虜出沒不測永寧石城三道徑徑役然以虔劉我人民故固海防嚴關隘實今日之急務也

沿革

雷州本戰國楚地楚熊惲據有夷越秦屬象郡漢為



徐聞縣屬合浦郡吳督於交州宋屬越州齊分置徐聞為齊康郡梁分置合州尋改南合州隋因之大業初州廢入合浦郡武德間復置南合州貞觀初改為東合州尋改雷州天寶初改為海康郡至德初復為雷州五代時屬南漢宋隸廣南西路元改置雷州路國朝羅福以全城歸附改為雷州府統海康遂溪徐聞三縣其地廣二百二十里袤四百五十里東至海康東洋海岸二百里西至遂溪縣濶洲海岸二百里南至徐聞縣海岸二百里北至石城縣清陰舖界二百二十里海康縣本漢徐聞縣地屬合浦郡梁屬南合州隋於

此置海康縣唐為雷州治宋初以遂溪徐聞二縣併

入南渡後復分為三縣元仍舊國朝因之東至大洋海二

十里西至武即坊一百五十里南至海安編戶百五十五

遂溪縣本漢合州郡徐聞地隋為椹川鐵杷二縣唐

天寶初置遂溪縣屬雷州宋併入海康縣紹興中復

置元仍舊國朝因之東至吳川水陸一百里西至橫山堡六十里南至府城一

百八十里北石城六十里編戶四十二里

徐聞縣本漢舊縣屬合浦郡齊改齊康縣隋罷郡改

縣曰隋康屬合州唐貞觀初復為徐聞縣屬雷州宋



開寶初併入海康 紹興中復置元仍舊 國朝因之  
東至黃塘九十里 西至謝家老沙港八十里 緇尸九十里  
里南至那黃二十里 北至調延屯八十里

山川

海康縣城北五里有英靈岡 府治之主山也狀如屏  
几一名烏卵山相傳陳

大建間雷出於此 東北八十里曰麻囊山 枕海西北四  
英靈顯異故名

十里曰吉斗山 尖盤圍三十里 四十五里曰雷公  
如盤斗故名

山 山勢峭平林山 深鬱高聳八丈盤旋五六十里昔東  
山有雷震生山名又有計泗山多竹木之利

一里有思靈島 洋海中七十里曰虎頭山 枕海西八

里英榜山 上有雷祠 八十里曰博袍山 其下有博袍之水

山高五十丈山巖中 東南五十里曰時禮嶺 在府治  
相傳有神光射天

十里高五十餘丈盤圍五里有巖穴深邃遠望如人  
著白衣山頂有井泉歲旱祈禱往迎其水則雲雨隨

至 西南四十里曰孔頭嶺 高十丈左有木錦嶺右有  
張牌嶺鼎峙相去各一里

此外有鷓鴣嶺 高十丈周圍五 七十里曰五石峰 中  
石如案

八十里曰石茆嶺 高三十丈有泉湧出流至  
出泉 連村灌溉其田數十頃

一百一十里曰乾隴嶺 高十仞周圍八 一百八十里  
里形如覆船

曰途傍嶺 高十數仞周圍 二百三十里曰英高嶺 兩  
四里形如馬鞍

高峭三十餘里上有石穴 南八里曰擎雷山 為府治  
湧泉每有靈顯旱禱輒應

其下出一百三十里西洋海中曰徒會山 枕西海中  
擎雷水 三十餘丈



周圍三十里有石奇恠泉清冷

西北十五里有平源水合擊雷水入於海五

十里曰途傍水流通南渡入擊雷水東十里曰海昔

萊公少有夢到海只十里之作及抵郡按圖始嘆曰

人生得喪豈偶然耶越東海島一望浩無際涯海舟

南通瓊崖而西通對樂揚梅味池四十里曰石壁潭

東北通閩廣島在海中產米豆方圓一丈三面皆石環列如壁故有此八十里曰石

頭港自海岫一十里西有羅湖水又名西湖宋去六

里曰潭望水源出遂四十里曰離蓬港水出英苗八

十里曰博袍水出於博東南三十里曰後遮水出曹

流五里而阻水為堰分溉扶柳洋田一百八十里曰

有瀉洲崛起海中周圍五十餘里西南六十里曰博

窓水源出博袍山之南五里入於西海宋初有一百

一十里曰邵洲海中周圍六十里居民皆煮海為生

因名西南一百二十里曰石港以港口石海中有卵洲

舊經云鳥伏卵於上或船過南有三水池又有瑞星

池即寇準舊居也宋天聖間有又有萊泉在西館內

嘗飲此元延祐間重浚憲幕王佐扁曰萊泉又萊公

嘗遊英靈村酌井泉稱其甘列郡人號為萊公井

又八里曰擊雷水出擊雷山下其源有三一出山樵

三水合流環遶郡三十里曰曹家溪自古茆嶺發源

治如帶與海潮接流向東通南浦

雷山川

五百六



津累代阻為六十里曰北插溪第十郡都豐村發流  
 堰灌本處田里灣港入海因一百二十里曰潭浪水  
 其向北故名一百六十里曰博袍水出博袍山南渡  
 三十餘里合北插溪水一百六十里曰博袍水  
 源流向西

遂溪縣東北三十里曰射馬嶺高五仞周圍一十里  
 故老傳云昔元初平

章阿刺海牙提兵海北經三十一里曰烏蛇嶺高十  
 于嶺下以一馬試矢因名

周圍十里蜿蜒雄峻其山東西距海太平一百五十  
 寰宇記云山出鳥藥鄉人以藥如蛇故名

里曰調樓山枕海高十丈產米榛可以充饑絕東一  
 頂上有五色光現若樓臺故名

百里曰蔚律嶺畫海處屹起十餘仞為東方巨鎮舟  
 船自廣回至汾洲洋中先見此嶺以

為指東南七十里有校椅嶺高七仞周圍十五里巍  
 然特起形如校椅故名

又有湖光巖一名陷湖相傳隋開皇間嘗有白牛入  
 村居民殺而食之惟一老嫗不食翌日

風雨大作一村盡陷成湖惟老嫗携一傘竹倒挿於  
 地而去湖有二石岩如屋後人接蓋屋簷建佛像於

中其餘岩穴皆可列坐岩北有神祠歲旱鄉人刑白  
 牛祭之即雨宋封神靈惠侯湖西絕壁中又有岩名

曰白雲宛若城門其前湖水澄澈人皆罕至唐宋之  
 末避世者多往依之宋寶祐初邑人紀應炎讀書于

此即古托窰二村陷為湖深不計尋丈靖康中有僧  
 琮師居神祠中改為禪庵舊名淨湖建炎中丞相李

綱改今名一百里曰覆盂山突起一峯名覆盂其  
 遺刻于石

陽有調鷄門為業隔洲僅一港地勢奔趨如鷄張  
 周圍一百五里民居六百餘家以魚鹽

趨故號西南七十里曰螺岡山其山有武樂之水高  
 調鷄

盤旋突起峯團若螺形嶺巔有雙石挺然古名雙髻  
 雷霹其一號為螺岡大王鄉人遇旱禱之雨輒應元



且祭以逐疫舉村安寧昔路 二百里海中曰潤洲山

伏波將軍駐師於溪北岸 其陽有蛇洋山 高十餘仞在蛇

蓬萊下有池產珠 南二十五里曰七星嶺 村前高

里舊名小蓬萊遠而 望之形如蛇走故名 斗蘇東坡過書其石七星拱秀後人名為七星嶺

五伊周圍一十里嶺上又起小峯圓奇拱列形如北 五十里曰斜離嶺 高十五丈周圍二十里突起二峯

其外都壕嶺 高十二仞周圍十三里中有 東七十里

曰東溪水 流自南十一里合傍塘水 西四十里曰橫山江 是水發

西出山堡流至本縣西極樂民千戶所 一百六十里曰

贊村港東南七十里曰鐵耙溪 其源發于潭北岸流

地多石生成如把形因名 八十里曰三鷗水 其源發

隋開皇於東岸建鐵把縣 潭大坡流向東合傍塘水 西南五十四里曰抱泉港

以其傍有三石如鷗故名 七十里曰武樂水 其源發於螺岡山下

地名城月其發源螺岡山下流向南經 又有城月水

莊家渡九十里與武樂水合東入于海 二百里曰潤

洲海 故有洲海中周圍七十餘里是謂潤洲其洲環海

多田少民以採海味為業前為蛇洋洲周圍四十里

縹緲烟波間若與世隔兩洲之上各有山俱見上

北陽曰調神港南一里曰傍塘水 流向西南合東流

三鷗水轉東入于海其水 一百里曰木丹港 又有通

之南岸有傍塘廟故名 明港一百二十里曰乾零水 由乾流巽經吳村一十

里合通明港水轉東入



海一百七十里曰麻凖港海潮泛溢入于河北一帶良採木椿并石填塞築岸設兩閘洩內外水用力頗勞地方甚利

徐聞縣北五十里有雙髻嶺兩嶺並峙昔有遊士嘗題其山云年年常喚

作丫頭何不梳粧出嫁休筆忽乾下澗取水神續云只為尋媒未曾得巖前空立萬餘秋七十

曰石灣嶺其山石壁巖形勢崛曲上有源泉又有龍床嶺勢如龍床故名九

十里曰尖山嶺於羣峯中最高登城北眺常有雲覆其巔絕頂尖若盈頭然有泉極清流

下灌田數十頃為縣治後山云東北二十里曰高山嶺有祠為七十

里曰石界嶺有石壁如碑高一丈餘又有屠佛嶺頭圓似佛故名天將雨其

巔常有雲蔽東三十里曰耳聾山呼不相聞故名又有

石神山八十里曰屯雲山九十里曰三源山山麓有

灌調祿一百里曰兜茅嶺在邗迢村亦名邗迢嶺嘉

鳥從之逾旬而去瀟湘西八里曰石門嶺上有

儼如門闕嶺際有塘水常不竭中有貞女臺久圯當

晴嵐皎口躋板遠眺鯨波蕩漾極目無際山海鬱蒼

亦賞心境也惜未有開其風氣者東南十里曰觀

濤嶺高三丈周圍一里乃踏磊登山行二十里曰二

十四墩一墩稍大衆墩旋遠故三十里曰冠頭嶺絕

遠望西南三十里曰孤超嶺俗呼麻峯嶺高三丈周

如冠真武廟顯應鄉人南二十里曰小遂山起海中又

遇旱在此禱雨



有三墩突起海中古樹最秀麗有龍王廟中有淡水泉祈雨輒應北十里曰葫蘆

溪在賽留村源出風流塘經葫蘆橋南流會大水入海又曰北山溪西北三十

里曰頓吞水源出龍摹山灌南濱洋田流經那芒橋合廉濱水其地水流淵濕行人病之邑

人教授鍾世盛捐石築砌民便焉四十里曰廉賓水源出馬鞍山流至那網橋合頓

吞水過青銅至又有那冷灘六十里曰遇賢溪源出雙髻嶺分

嶺過遇賢舖合南包水流入老沙港七十里曰南包水源出雙髻嶺分

馬過南包舖前去攔馬合東八里曰益色溪郡志曰

遇賢水流出老沙港入海有龍窟祈雨輒至此迎水有應即大東十里曰大水

水上橋流至此里許又名鎮海難溪源出龍床嶺流接大水下橋有石灘水聲響急

海三十里曰黃麻港風高拍天有敗舟之患寇舟不敢入七十里曰何

家灘自六齊村東入海一百里曰水吼灘自石震村南奔入海

一百四十里曰老鴉洲西三十里曰青銅港接北山

四十里曰乾窖港自海口入五十里曰東塲港自海

東南二十里曰博漲港三十里曰青灣港宋韓魏公琦曾

孫貶瓊南携三子留二子於白沙家焉後塋于青灣七世孫顯甫刊公戒子孫詩于墓側今碑見存南

十里曰博愛水十五里曰古源水邑人勞無於築堤灌田百餘頃二

十里曰那黃港

風俗



雷故夷越之域瀕海極南氣候倍熱人多居欄以避時鬱循習以立冬巳酉爲臘先祭其祖然後集親故而共飲焉迄宋日變蓋自余靖稱人多嚮學蘇轍稱海夷似齊魯故俗守文海山之利有魚鹽米穀之裕故俗守分自梁唐以來寺觀庵堂半民居故俗信巫今則衣冠文物漸非夷越之舊郡城之俗稍尚華靡鄉村多淳樸士務學而惰於仕進農務力耕蓄牛積種儲穀發糶無別貿易工不供遠役惟府縣造作及鄉都士庶人家脩造宮室器皿而已商賈惟販土物如楸榔椰子魚鹽不越他境喪葬猶知擇墳塋厚棺槨獨貧者或有火葬語音雜黎俗故有官語客語黎語官語黎語雖郡人或不能辯

海康縣

附府城同前

遂溪縣山拱水繞地曠田腴俗不勤耕多棄荒澤商獠猥雜習俗輕悍自文明書院建於宋民漸知學徐聞縣枕山瀕海地極南溟西北土瘠頗習詩禮俗稍淳厚東南土沃居民以漁獵爲業俗亦嬉瀆其地水土不堅艱於磚瓦惟公署豪戶瓦蓋餘皆茅宇



城池

雷州府城築于南漢乾亨間初漢建武中伏波將軍馬援始置徐聞縣梁改南合州唐又改雷州遷徙未定至南漢始建于此甃城甚隘宋至道二年罷守楊維新始築于城周圍一里紹興四年郡守王趙復築外城作墻闢四門工未就而去十一年黃勳繼之改爲磚甃亦未就而去十三年朝奉郎趙伯揆始畢前功嘉定壬申郡守王給復葺內外二城淳祐十年郡守儲擢復脩二城造四樓元至順中廉訪僉事呂琬元統中僉事張添睡郭思誠各加修飭洪武七年指揮張秉彝朱永周淵通判李希祖協謀修築仍開四門東曰鎮洋西曰中和南曰廣運北曰朝天各建重樓警舖弘治十七年海北道僉事方良永改建四門重樓拱門上鋪以板正德十二年知府王秉良始用磚石拱甃池廣六丈五尺深一丈外自城東環于西南隅惟城南舊無開浚年月與城同海康守禦千戶所城在海康縣灣蓬村洪武二十七年安陸侯吳傑創築城成化間千戶姚麟重建



遂溪縣舊無城洪武七年知縣元大初始築土墻正  
 統間知縣蘇觀始城以石開東南北三門周凡四百  
 七十丈高一丈五尺築眼聯絡凡二百四十瞭墩四  
 十座窩舖一十有六成化初寇亂難防乃塞東門嘉  
 靖十年知縣張惠仍開東關設墟開舖以為衛禦十  
 九年知縣班佩脩葺隆慶六年推官鄭國賓增城三  
 尺濶五尺萬曆二十年知縣陳廷詩建三門月城  
 池塹嘉靖十年知縣張惠重脩樂民守禦千戶所  
 城在遂溪縣蚕村洪武二十七年吳傑創立

徐聞縣城舊在十六都討網村元至元二十八年遷  
 于賓村村俱無城池正統間知縣李鷺始築土城天  
 順間寇陷又遷于海安城弘治十四年復遷賓朴始  
 築石城正德五年知縣汪澤主簿程子厚因城垣崩  
 塌重砌雉堞周圍六百丈高一丈四尺為門四象曰  
 寅賓西曰振武南曰太平北曰永定嘉靖十二年  
 縣朱夢昌增脩萬曆元年知縣張師益脩增高城三  
 尺濶八尺萬曆十一年知縣蔡宗周增高城一尺五  
 寸池嘉靖十九年縣丞彭瀾濬海安守禦千戶



所城張 二十七年吳傑創立弘治  
間千戶徐真重建 尹守禦千戶所城在徐聞縣  
新安村洪武二十七年吳傑創立

公署

雷州府署本漢徐聞縣署南朝梁為南合州唐貞觀  
八年改雷州南漢乾亨十三年始立宋因之即今衙  
址至元十七年以州治立宣慰司遷州于舊治之西  
為雷州路二十八年又以路治立肅政廉訪司洪武  
初始去司改路為府同知余麒孫創建十八年同知

鄧音言王建永樂間同知張金陵成化中知府黃瑜魏  
瀚弘治中知府陳嘉禮正德中知府王秉良相繼脩  
葺嘉靖二十一年公解為颶風所壞同知戴嘉猷經  
始二十五年知府林恕三十一年知府羅一鸞次第  
落成其規制中為正堂五間後堂如之東為經歷司  
西為照壁兩序為六方知府宅次於後堂同知通  
判推官宅又次之吏宅 寧二庫西為吏宅中  
監戒石亭前為儀門門外 地祠龍亭庫大門外立  
監申明旌善亭而司獄 府街之東 察院在城南隅即珠



池公館 在縣治之東 布政分司 在縣治之東 按察分司 在察院東即元

海北道 在衛北即舊察院 公館 在府西北 陰陽學 在府治明善坊 醫學 元初在

在府治東 僧綱司 在天寧寺 紀司 在玄妙觀 廣積倉 元初在郡治東

北安仁坊 稅課司 在南亭坊 海康縣署 舊在城西南隅 洪武二年知縣陳本遷建

于府治北 正統十年縣丞王汝通王銓繼建 天順間

知縣王麒弘治間知縣 彥脩嘉靖間知縣楊澄

重脩其規制中為正堂後為廳左為幕廳兩序為六

房及耳房庫前為儀門外為監房土地祠大門前為

申明旌善二亭萬曆六年知縣郭鉞重脩萬曆九年

知縣沈汝梁復脩 後堂寢室俱有題名記 養濟院 在城西郊外

遂溪縣治舊在二十二都宋紹興間遷登雲坊乾道

四年遷惠民坊即今縣治 國朝洪武二年知縣王

淵建四年知縣孫輔重脩正統四年縣丞楊英正德

八年知縣雷世鳴嘉靖間知縣張惠王祥班佩各因

時脩飭其規制有正堂後堂幕署倉庫後為公廨吏

宅前有儀門土地祠監房大門申明旌善二亭萬曆

元年知縣陳學益再加脩葺萬曆九年知縣譚一召



鼎建乘涼廳于春堂之後萬曆二十一年知縣陳庭詩重脩儀門創迎賓館于儀門之右萬曆二十五年

知縣袁時選扁天監在茲于正廳前及脩儀仗庫宇

兩廊吏宅煥然一新矣 察院 在縣西洪武二年知縣王淵創建 布

政分司 在縣治西 按察分司 在縣治西 府館 即東嶽行祠舊址 行臺司

在縣西北嘉靖癸丑知縣張天叙創建以 陰陽學 在縣

為崇文書院萬曆間奉禁改為行臺司 南惠民坊洪武醫學 在縣南坊 湛川巡檢司 元至元三十八年開設

在縣西二十 潤洲巡檢司 在縣西第八都蠶村 蠶村調樓場鹽

課司 在縣西九十里 東場鹽課司 在縣東南九十里 際留倉 在縣治內 預

備倉 在縣西北儒學後嘉靖十年知縣張惠鼎建積穀以備荒旱 義倉 在二十一

都城月村一在二十二都土札村嘉靖 樂民倉 在縣

百三十里樂民所內洪武二十年 海康倉 在縣西南一

七年千戶鄧義創建繼任者隨 城 養濟院 在縣西北郭登俊坊洪武三年知縣王淵建

徐聞縣治舊在十六都討網村元至元二十八年遷

于賓朴 國朝洪武二年知縣武亮建天順間寇焚

乃遷海安所東南隅成化二十一年遷所東弘治間

復遷于賓朴舊址今治是也正德四年知縣汪澤重

建其規制正堂幕廳六房官箴亭後有公廨吏宅前



有儀門土地祠監房譙樓門樓申明旌善二亭嘉靖

丁未知縣方逢堯改脩易觀中為正廳為川堂為燕

堂左為丞廳今裁革改右為簿廳今典史住幕廳改

攢造前戒石亭又前為儀門左為土地祠延賓館右

為縣獄 海北道 在縣治西北弘治間知縣平鋼建

知縣方逢堯總脩 公館 在分司東嘉靖四年 陰陽學 在儒學西醫學

在申明亭東 道會司 在縣西崇 寧海巡檢司 縣東調黎浦口洪武二年

創設巡檢 東場巡檢司 縣西邁穀村洪武三年創設

周文政建 海安倉 在海安所城內洪武二十年 錦囊

在錦囊所內洪武二十年 預備倉 舊志置在調祿龍模

七年千戶王顯建今廢 除留倉 舊與預備倉聯建年

子厚遷縣城北門內 養濟院 年今方逢堯改建

學校

雷州府儒學宋慶曆四年建于城外西湖之東嘉祐

八年郡守林昆脩余靖靖康元年郡守李域遷于天

寧寺西紹興十年郡守胡宗道復徙于寺西北賈洋

乾道六年郡守戴之邵遷于郡西張棡淳熙四年郡

守李茆新堂齋設長諭分教張棡嘉泰四年郡守李



皎重修郡守徐應龍鄭溫建雲章閣嘉定四年郡守  
 鄭公明教授鄭煬更脩寶慶二年郡守陳大紀郡丞  
 曹宏父脩殿堂書閣元至元三十一年隸廉訪司延  
 祐六年廉訪使卜達世禮李元展地改建尊經閣於  
 堂後至正七年廉訪使梁克中經歷樊益俊拓而廣  
 之 國朝洪武三年同知徐麒孫沿舊修葺二十三  
 年通判李彥誠訓導黃希寅增脩廟及兩廡鑿泮池  
 建射圃永樂五年教授甘摯言于御史周達率士捐  
 俸廩以建適禮部侍郎胡濙至拓地以成

御史彭正百鍊

統間提學僉憲彭珣重脩號舍成化二年郡守黃瑜  
 推官秦鍾建戟門及櫺星門皆柱以石成化二十年  
 郡守魏瀚建雲章閣扁曰聚奎堂弘治改元知府鄧  
 璩同知劉彬重脩廟廡弘治九年郡守陳嘉禮脩明  
 倫堂及四齋正德十年郡守王秉良增立左右坊扁  
 曰騰蛟起鳳嘉靖初郡守黃行可重建齋堂創啓聖  
 祠敬一箴亭遷射圃於南嘉靖十六年郡守洪富建  
 齋廡戟門及號八座四士舍闢學路三十三年郡守  
 羅一鸞重脩明倫堂葺坊表

鍾芳記

大門舊路崎曲萬



曆六年署印訓導程一林申文本府改門直出又移

敬一亭于啓聖祠前○社學八曰東關內在忠義祠後曰

南關內在樂安坊曰東關外在北府廟南曰西關外在秦公祠南曰

北關外在那廬坊曰南關外在文富坊曰文昌在調會坊曰雷州衛

在衛治東

海康縣儒學在府治東衛治西宋附于郡庠其後寄

于遂溪文明書院遂溪徐聞乃古鐵把遞角二鹽場也後戶口日衆分海康遂溪徐聞

為三縣二縣皆有學獨海康附于郡學而廟祭乃在遂溪書院元大德六年教諭凌

光謙始建於迎恩坊後遂有舉進士者至正六年庶

訪使呂琬僉事觀音奴重脩 國朝因之洪武二年

知縣陳本沿舊建立大成殿兩廡戟門櫺星門明倫

堂兩齋庖庫咸備二十九年同知張伯王永樂元年

教諭林仲積等相繼重脩又建射圃於城南文昌坊

之東立觀德亭碑文在焉正統九年知縣胡文亮以

學地卑隘遂展地重脩後圯成化十四年副使陶魯

提學趙瑤通判劉鎮復遷建於郡學之西其年為猺

寇所殘併入府學弘治九年郡守陳嘉禮知縣林彥

奏而修復之弘治十七年僉事方良永視學基狹隘



命推官李文獻教諭鄭寬遷于海北道舊址即今所也正德八年御史周謨重脩十年知府黃秉良建兩坊十六年遷于珠池公館嘉靖三年仍遷復郡治之東四年僉事李偕拓地知府楊表黃行可相繼鼎建聖殿兩廡儀門櫺星門敬一亭明倫堂廨宇號舍泮池二十四年知縣楊澄重脩三十三年署縣推官袁珠併脩○社學六曰登雲曰帥正曰文富曰調會曰振辰曰國實四都俱廢

遂溪縣儒學宋始建于縣治西地卑濕乾道四年遷縣側仍弗稱寶慶元年再遷縣西登俊坊元因之皇慶元年教諭周孔孫重脩 國朝洪武三年知縣王淵縣丞諸違仍舊創建殿廡齋堂廨舍悉備十七年縣丞鄧義教諭謝敬以堂齋居於殿後逼狹弗稱改遷於縣之西北二十年教諭陶文實重脩成化間知縣楊徹龔葵相繼脩葺弘治間知縣劉玉建兩廡兩齋櫺星門戟門造祭器正德八年通判楊雲重建儀門十年提學章拯知府王秉良改建大成殿兩廡明倫齋堂號舍射圃在縣治西北今圯嘉靖四年知府



楊臻改建明倫堂聖殿兩齋儀門十六年知縣鄧恕  
 作會膳堂十九年知縣班珮建殿廡堂齋三十四年  
 知縣張天叙重脩兩廡聖殿重建明倫堂兩齋勒碑  
 于石隆慶五年知縣杜伸脩葺併建戟門萬曆十一  
 年知縣盧應瑜改鄉賢名宦二祠于殿西萬曆十七  
 年知縣陳庭詩教諭葉觀光重脩殿東隅設龕韜聖  
 像重建儀門併啓聖祠○學田土名那頃射早田一  
 局并新墾田計種三  
 十餘石東至嶺脊西至大江接連小江南至鄧萬英  
 買陳益宗那頃射并鄧元鳳田界北至陳蘭卿買吳  
 應丙那頃射荒田車路小江為界未墾之田陂暨塘  
 皆在焉東至西三百餘丈南至北五百餘丈歲收

租贍土周  
孔孫記

○社學七日縣治西曰東海鄉曰通明鄉

曰調熟鄉曰城月坊曰北關外曰平樂鄉

徐聞縣儒學宋始建于舊縣討網村距今縣治西元  
 大德元年教諭陳瑜白因縣治遷于賓朴村創建學  
 宮于縣治西狹蓋弗稱大德八年縣尹鄭聞重脩  
 國朝洪武三年知縣武亮拓地重建天順八年遭兵  
 燬成化二年同知黃瑜知縣鍾富將縣治併學俱遷  
 于海安所城內東西隅俱草創二十年郡守魏瀚改  
 遷於所之西建文廟堂齋弘治十四年知縣平鋼遷



復于賓朴村時與民休息因陋就簡正德五年知縣汪澤教諭楊稽謹勅建文廟兩廡堂齋十二年知府王秉良措置建櫺星門號房造祭器射圃在學前街西正德間教諭葉秀建今圯嘉靖三年參議李鎮置祭器十二年知縣朱夢昌飾聖像建啓聖祠敬一箴亭射圃亭十三年推官徐達建號舍砌殿亭十九年教諭文桂訓導陳子榮置祭器二十五年知縣方逢堯李鑰相繼脩葺隆慶三年知縣謝朝爵建啓聖名宦鄉賢三祠萬曆十年知縣蔡宗周移啓聖祠于西

名宦鄉賢二祠于東○學田

萬曆十年知縣蔡宗周大出欺隱土名吳家庄

田五頃歸學贍貧土邑八運同鄉土元捐上名那蜜田二十五畝入學萬曆二十一年知縣熊敏置土名

新庄田一項四十七畝○社學四曰崇德即夢槎曰

廣業曰明善曰復初俱在城東○書院曰貴生謫典史湯顯祖建

坊都

海康縣廂二曰東北隅圖一曰西南隅圖一○鄉二曰延

德管都曰延和管都○其市為東門為南門為西門

為總市俱在城為黑石在縣東南九里新寧村為登村在縣南二十里登莊

村為白院在院西八里白院村為調排在縣西南二十里調排村為邁特



在縣南二十里為安攬在縣西三十里為北坡在縣西五十里黎家村為合山

在縣西五十里為浦合在縣西南五十里為調口在縣西南七十里湧中村為

途傍在縣西南一百四十里為初祀在縣西南一百四十里為陶家在縣南

百里番昌村為羅馬在縣西南一百里北寨村為英丘在縣南一百里為英散

在縣南一百三十里為英羅在縣南一百二十里為英兜在縣南一百三十里為錦

囊在縣東南一百里建寧村

遂溪縣鄉五曰居仁曰由義曰崇禮曰尚智曰篤信

俱管都二○其市為西門為南門為務門俱在縣城為志滿在縣

西南五里為五路在縣東南七十里海傍為傍塘在城南門外半里為城

月在縣西南九十里城月村為通明在縣南一百三十里通明步今分為東西二市為水

仔在縣西南一百二十里為沈塘在縣南一百八十里

徐聞縣鄉三曰太平曰積善曰仁政俱管都三○其市為

縣前今移東關外為東莞在縣西五十里為大黃在縣西二十里為龍摹

在縣西三十里為邁稔在縣東三十里為調簞在縣東五十里為那黎在縣東北

三十里為杳磊在縣南二十里為調黎在縣東六十里

驛舖

海康縣驛一在北門南坊曰雷陽驛○舖二十曰府

門曰拱辰曰瑞芝曰山心曰平岡曰僊居曰高橋曰



遂康曰賓畔曰南安俱在縣北曰南渡曰邁特曰南平曰縣安曰南界曰南屋曰平陸曰淳化曰安民曰安定

俱在縣南

遂溪縣驛二在城月村曰城月驛在郭中拱辰坊東

曰桐油驛○舖十二曰田頭曰德安曰那弄曰新興

曰石橋曰石井曰觀瀾曰臨溪曰縣門俱在縣南曰牌後

曰永平曰太安接石城界

徐聞縣驛二在海安所城中曰查磊驛在縣北十六

都曰英利驛○舖十七曰南包曰馮賢曰南田曰廉

賓曰會同曰賓蛇曰迎恩曰縣門曰觀濤俱在縣南曰樓

亭曰調粵曰牛僚曰新安曰那鬱曰海康所門曰樂

民所門曰錦囊所門

橋渡

海康縣橋三十二阜民橋在中坊狀元橋在鎮寧坊以

故通濟橋在南亭坊宋郡守何庚引西湖水灌東洋田建此橋以跨之石渠東橋

在桂華坊石渠西橋在明善坊冠英橋官賢西門橋寺門橋俱在

城拱瑞橋在那學前東濠橋西濠橋北濠橋俱在城外水月橋

在天寧寺內惠濟橋在西湖開上麻舍橋浮碧橋雲津橋在調排村



濟安橋在安五里橋在天安芝林橋二東西各一將軍橋楊

家橋那汀橋吳家橋南界橋在將軍驛前那螺橋在安仙村勸

竹橋在調步陸橋在潭山門橋那里橋淳化橋安民

橋俱在都○渡二十四南渡麻演渡嘉禾渡下坡渡

西洋渡白院渡安插渡西聽渡安攬渡老沙渡潮陽

渡建寧渡樓亭渡建康渡灣蓬渡山家渡根竹渡漣

蔡渡僊雲渡大榜渡唐官渡雲津渡邁風渡雙溪渡

遂溪縣橋十傍塘橋雲梯橋狀元橋紀應炎登第故名縣南

橋那鬱橋莊家橋僊車橋城月橋那弄橋西溪百丈

橋○渡十通明渡祿遐渡麻叅渡木舟渡庫竹渡平

樂渡樂民渡新安渡莊家渡曾家渡

徐聞縣橋十七那旺橋南包橋遇賢橋那調橋英利

橋廉賓橋大水橋各上下頓吞橋那貢橋官田橋調祿

橋新安橋孤州橋在錦囊城那傍橋謝家橋那弄橋○渡

四老沙海港渡海安大海渡冠頭渡那黃渡

水利

海康縣陂十曰窮源曰那耶曰徒林曰象骨曰曹家

曰羅潮曰潭望曰石岩曰捍海曰那催共灌田八百餘頃○



塘十一曰西湖曰白水曰石奇曰徒兵曰都悲曰四  
苟曰漏悛曰潭濛曰漳攬曰孤洲曰戴公

遂溪縣陂二曰都賀曰東溪○塘九曰潭車曰古洲  
曰張熟曰都典曰調雜曰那詠曰塘家曰博格曰特

侶○堤一曰捍海共灌田五千五百八十餘頃

徐聞縣塘十曰龍峯曰保水曰邁果曰李家曰顏家  
曰現攝二曰南壅曰龍船曰石門○井七曰六角曰

英含曰盡春曰塘北曰赤坎曰計南曰那博共灌田一千四百餘頃

○閘五曰清水堰曰潘家塘曰大小上下二堰

曰麻欄堰曰龍門堰

戶口

漢戶口入合浦郡

唐雷州戶四千三百二十四口二萬五百七十二

宋雷州戶九萬一千一百三十四海康一百五十里戶三萬六千四百

九十八○遂溪四十八里戶二萬四千九百四

十○徐聞九十里戶二萬九千六百九十六

元戶無考

國朝洪武二十四年雷州府戶四萬五千三百二十

七海康二萬三千五百九十五○遂溪一口二十二萬三千五百三十二○徐聞八千二百



萬五千六百一十二 海康九萬七千一百九十九 遂溪六萬三千九百九十五

徐聞六萬四千四百一十八

永樂十年府戶四萬五千五百三十八 海康二萬四千二百四十四

○遂溪八千五百九十九 口一十六萬七千一百

七十九 海康七萬一千二百一十八 遂溪五萬五千六百九十四 ○徐聞四萬二千八百六十七

成化八年

按此以前被倭殘破人民耗散都圖不能復舊戶口十僅存五非復昔之繁盛也海康止存五十里遂溪止存三十里徐聞止存十八里

成化十八年府戶二萬三千四百一十八 海康一萬二千六百六十七

六 遂溪七千二百 ○ 口五萬一千七百三十三 海康

徐聞五千九百六十二 二萬八百六十 ○ 遂溪一萬七千六百九十六 ○ 徐聞一萬三千一百七十七

弘治五年府戶二萬二千六百六十八 海康一萬四百一十 遂

溪六千四百三十一 徐聞五千八百三十八 口四萬五千四百 海康二萬三千二百二十七

二十七 遂溪九千一百二十 ○ 徐聞一萬三千五百十三

正德七年府戶二萬三千五百八十四 海康一萬四百三十三

遂溪七千四百六十八 口五萬八千四百一十五 海康一萬四千三百三十三

徐聞五千六百八十三 海康二萬二千七百二十七 ○ 遂溪二萬六千一百一十一 ○ 徐聞一萬五千七十七

嘉靖元年府戶二萬四千一百四十二 海康一萬五百四十九



遂溪七千八百三十〇口四萬三千二百二十七海

徐聞五千七百六十三〇遂溪一萬六千六

一萬八千三百六十三〇遂溪一萬六千六

百七十七〇徐聞一萬八千一百八十七

嘉靖十一年府戶二萬四千三百九十二海康一萬

八〇遂溪七千九百二〇口六萬五千九百七十七海

十四〇徐聞五千九百〇口六萬五千九百七十七康

二萬四千八百七十九〇遂溪二萬二千五

百七十三〇徐聞一萬八千五百二十五

嘉靖二十一年府戶二萬四千四百一十海康一萬

八〇遂溪七千九百二〇口六萬八千四百四十二海康

十五〇徐聞五千九百〇口六萬八千四百四十二海康

四千八百七十九〇遂溪二萬二千五百

五十三〇徐聞一萬八千五百二十五

嘉靖三十一年府戶二萬四千二百一十七海康一

一十四〇遂溪七千九百四十一口六萬七千二百三

六〇徐聞五千九百五十七

十五海康三萬一千一百八〇遂溪二萬三千

五百七十〇徐聞一萬三千五百五十八

萬曆十一年府戶二萬四千七百九十八海康一萬

遂溪八千一十七〇徐聞五千八百二十三

賦役

宋元以前無考

國朝洪武二十四年雷州府田地山塘一萬二千三

百四十四頃九十二畝六分二釐一毫海康五千四

遂溪三千六百九十三頃四十五畝七分〇徐夏稅

聞三千一百六十九頃四十六畝四分九厘

雷賦後

梁福



四十三石五斗七合二勺七抄 海康二十九石五斗  
溪一斗五升六合二勺二抄 ○徐聞 秋糧米六萬一  
一十四石九斗二升九合七勺八抄

千二百五十四石三斗六升八合四勺七抄九撮一

圭 海康二萬二千四百八石二斗六升二合三勺六  
抄五撮三圭 ○遂溪 一萬三千九百七十一石四

斗九升三合三勺 ○徐聞縣 二萬五千一  
百六十二石四斗八升八合二勺七抄

天順六年 被猺殘破 府田地山塘五百七十三頃三

十四畝一分八厘九毫 海康一百四十二頃八十七  
畝八分四厘一毫 ○遂溪 六

上六頃五十八畝一分八厘 ○徐聞 夏稅麥四石三  
三百六十三頃九十五畝八分八毫

斗四升五合九勺一抄 海康三石八斗九升二勺一  
抄 ○遂溪 七合七勺四撮 ○

徐聞四斗三升八 合二勺一抄二撮 秋糧米一萬五千一百四十二石

二斗二升七合一勺六抄 海康四千二百一十四石  
六斗二升九勺六抄五撮

四老 ○遂溪 二十二石二斗二升九合七勺四抄六  
撮 ○徐聞 一萬九百五石三斗六升七合七勺六抄

弘治十五年府夏稅麥四十五石三斗九合八勺七

抄 海康二十九石六斗一升六合 ○遂溪 八斗八升  
一合三勺九抄六撮 ○徐聞 一十四石八斗一升

三合四 糧米五萬四千九百八十五石一斗四升一  
勺三抄

合五勺一抄 海康二萬一千四百四十六石八斗五  
升六勺二抄五撮 ○遂溪 一萬三千五

百七十七石九斗五合九勺六抄六撮 ○徐聞 一萬  
九千九百六十一石三斗八升四合九勺二抄八撮



正德元年賦稅同

嘉靖元年府田地塘二百七十九頃六十八畝八分

八厘 海康一百四十二頃八十七畝八分四厘一毫

○遂溪六十六頃五十八畝一分八厘 ○徐聞

七十頃二十二畝 夏稅麥四石三斗四升五合九勺

八分六厘五毫 一抄二撮 海康無 ○遂溪七合七勺四撮 ○徐

米八千二百四十七石七斗六升二合二勺九抄五

圭 海康四千一百四十四石四斗八升五合二勺一抄

○遂溪二千二百六十九石六升三合九抄 ○徐聞 千一

百五石二斗一升 三合九勺七抄 嘉靖二十一年府田地塘一萬二千三百四十四頃

九十二畝六分二厘一毫 海康五千五百三頃九十

三畝八分三厘一毫 ○遂

溪三千六百七十一頃五十二畝三分 ○徐

聞三千一百六十九頃四十六畝四分九厘 夏稅麥

四十五石二斗九升一合三勺八抄八撮 海康二十

五合八勺三抄 ○遂溪八斗八升一合三勺六抄

秋 ○徐聞一十四石八斗一升二合四勺三抄八撮 秋

糧米四萬六千一百六十九石七斗九升一撮五圭

海康二萬一千三百二石八斗七升一合二勺三抄

一撮 ○遂溪一萬三千五百六十四石九斗一升九

合六勺五抄 ○徐聞一萬一

千三百二石一升二合六抄 嘉靖三十一年 同前

萬曆元年府田地塘一萬二千五百四十四頃九十



二畝六分二厘一毫 海康五千六百七十六頃八十九畝五厘一毫 ○遂溪三千六百七十一頃五十二畝三分

○徐聞三千一百五十二畝八分 ○徐聞夏稅麥四十五畝

石二斗九升一合四勺 海康二十九石六斗五合八勺六抄 ○徐聞一十四石

秋糧米四萬六千八百六十八斗一升二合四勺三抄

十石七斗九升一撮 海康二萬二千二十三石二斗六升七合 ○遂溪一萬三千五百六十四石九斗一升九合六勺五抄

○徐聞一萬一千二百八十一石六斗二合四勺五抄

萬曆十年府田地塘一萬三千三十一頃六十一畝

五分三毫九絲 海康五千六百七十六頃八十九畝五厘一毫 ○遂溪四千一百三十一頃五十五畝七分六厘五毫九絲

○徐聞三千二百二十三頃一十六畝六分八厘七毫

夏稅麥四十五畝

四十五石二斗九升一合四勺 海康二十九石六斗八升一合二勺 ○徐聞一十四石八斗一升二合四勺

秋糧米四萬七千三百七十三石五斗三升二合三勺

海康二萬二千二十三石二斗六升七合三勺 ○遂溪一萬三千九百七十一石四斗九升六合一勺

○徐聞一萬一千三百七十八石七斗六合一勺

萬曆二十年府田地塘一萬三千零八頃七十五畝

六分五厘五毫 海康五千六百七十四頃四畝九厘五毫 ○遂溪四千一百三十一頃五十五畝七分六厘六毫

○徐聞三千一百三十四畝九分三厘九毫

夏稅麥四十五畝

石五斗九升九合三勺 海康二十九石九斗零五合一勺 ○徐聞一十四石

秋糧米四萬七千六百四十八斗一升二合四勺



石五斗一升三合二勺 海康二萬二千三百四十三石三斗八升一合六勺○遂

溪一萬三千九百七十一石四斗九升六合二勺○徐聞一萬一千三百二十五石六斗三升六合三勺

農桑米伍石九斗四升七合六勺 海康二石九斗一升三合○遂溪一

石五斗三升三合一勺○徐聞一石五斗八合魚課米一千三百三十九石

八斗六升六合一勺八抄 海康二百二十四石八斗二升○遂溪四百一十三

石八升二合○徐聞六百六十石二斗九升二合四勺八抄

萬曆二十八年雷州府實在官民夏稅農桑魚課等

糧四萬九千一百二十九石八斗一升七合七勺九

抄二撮三圭七粟四粒 海康二萬二千六百六十五石二斗三升五合九勺二抄

九撮八圭○遂溪一萬四千四百一十九石八斗八升三合一勺六抄○徐聞一萬二千四十四石六斗

九升八合七勺二撮七圭

糧料派額 凡七條 京庫銀二千六百二十七兩三錢一

分三厘七毫四絲 海康一千三百九十七兩一錢九分一毫○遂溪七百三十一兩一

錢七分四厘八毫六絲○徐聞五百九十八兩九錢四分八厘七毫八絲 本府廣積倉米

銀六千一百七十七兩八錢一分七厘六毫四絲 海康

三千七百二十五兩一錢三分○遂溪一千八百三十三兩三錢四分四厘二毫○徐聞六百九兩三錢四分三厘

二毫 本府儒學倉米銀四百七十八兩八錢 海康

遂溪徐聞 二縣 儒學倉米銀三百三十兩八錢五分 遂溪



一百七十四兩徐廉州府廣儲倉米銀八百七十五

兩七錢八分九厘五毫海康四兩五錢二分二

兩二錢六分合浦縣米銀一千一百一十九兩九錢

九分九厘九毫海康六百六十七兩二錢六分五厘

各縣存留倉米銀六千二百八十一兩七錢八

分六厘九毫海康一千四百九十七兩三分四毫

徐聞縣抵補銀六十二兩一錢

○鮮司軍餉米銀五百八十七兩五錢一分八厘六毫

海康二百六十三兩五錢一分八厘六毫

一料銀一千五百三十五兩六錢六分九厘七毫

七百二兩六錢五分六厘八毫

續派四司料銀九百七十八兩八錢六分七

毫海康四百二十七兩六錢五分八厘

鋪墊并京估料銀二百六十五兩二錢九

分三厘二毫海康一百二十四兩四錢二分四厘

增派紫竹梨木翠毛等料銀五十四

兩七錢八厘九毫海康二十五兩六錢七分七厘

軍器料銀一百二十九兩一錢六分九

分二厘二毫

雷賦後

三

黃留科



厘一毫海康六十一兩一錢二分一厘二毫○遂溪

九錢五分三十二兩八分九厘七毫○徐聞三十五兩

八厘一毫海康八兩一錢五分三厘八毫○遂溪四兩六

毫錢八分七厘一毫○徐聞三兩五錢一分五厘

課米銀四百一十一兩二錢一分四厘四毫海康七

五錢二分六厘四毫○遂溪一百三十三兩一錢二分

分八毫○徐聞二百九兩五錢六分七厘一毫

油料銀一百五十六兩四厘九毫海康二十四兩八

十兩五分五厘六毫○徐聞五錢六分○遂溪五

萬曆二十八年雷州府實存人丁二萬四千一百一

十七丁五分除免外實編人丁一萬八千四百四十

七丁二分海康編九千五百四十二丁○遂溪編三

百三十分千四百七十四丁七分○徐聞編五千四

丁五分通府秋糧除官夏農桑外實存民米三萬九

千一百九十五石八斗五合九抄八撮四圭除免外

實編三萬五千六百五十五石二斗二升九合九勺

九撮六圭海康一萬五千三百二十九石一斗六升

十四石二升九勺三抄八撮二圭○遂溪一萬八百一

千五百四十五石八升六合二勺一抄六圭

徭役派額連鹽鈔徭差額銀七千三百六十七兩六

錢二分海康三千二百三十七兩二錢○遂溪二千



三兩五分 民壯額銀五千八百四十六兩八錢海康二千五百

八十三兩六錢○遂溪一千八百七十驛傳額銀一

千六百六兩三錢八分三毫六絲海康六百四十七

一毫六絲○遂溪四百八十八兩八錢四分三均平額

厘七毫○徐聞四百七十七兩六錢零五毫

銀二千六百三十九兩零八毫海康一千二百一十

○遂溪七百五十九兩八錢七分三厘一毫戶口鹽

鈔銀五百三十一兩九錢三分五厘二毫海康二百

二錢四分○遂溪九十五兩一錢五分七厘徐聞縣

二毫○徐聞一百六十四兩五錢三分八厘已上

歲支官吏俸鈔銀一十九兩五錢四分三厘○已上

共銀二萬一千一十一兩二錢七分九厘三毫

### 兵防

兵署 雷州衛 宋屯戍城內元因雷州府治立宣慰

雷州衛七年指揮栢榮重脩嘉靖七年指揮張傑重建鎮

撫司 洪武七年建左右中前四所俱在衛西南海康守禦

千戶所 在海康縣第九都洪武間安陸侯 海安守禦

千戶所 在徐聞縣南博張村洪武二 樂民守禦千戶

所在遂溪縣第八都錦囊守禦千戶所 在徐聞縣二

洪武二十七年建 石城後千戶所 在石城縣治西正統五

年 守鎮石城後千戶所 在石城縣治西正統五



重建嘉靖四年曾脩

軍職 雷州衛指揮使員四指揮同知員九指揮僉事員七

千戶員十二百戶員六鎮撫員四經歷員一達指揮使員一達百

戶員二達鎮撫員一○海康守禦千戶所千戶員一百戶員一

吏目員一○海安守禦千戶所千戶員一○樂民守禦千

戶所千戶員三百百戶員三百鎮撫員一○錦囊守禦千戶所千

戶員一○守鎮石城後千戶所千戶員五百百戶員二

軍額 雷州衛原額旗軍一萬四千九百一十九名 左所

原額旗軍一千一百一十二名 右所原額旗軍一千一百

五十一名 中所原額旗軍一千一百二十八名 前所原額旗軍

三十名 今旗軍三百八十八名 海康守禦千戶所原額旗軍一千一

三百四十九名 海安守禦千戶所原額旗軍一千一百二十六名

二百九十七名 樂民守禦千戶所原額旗軍一千一百二十四名 錦囊守

禦千戶所原額旗軍一千一百二十四名 守鎮石城後千

戶所原額旗軍一千一百一十二名

兵額 雷州府民壯海康原三百六名 今二百二十

今一百八十八名○徐聞原弓兵海康清道巡檢司三

二百二十四名 今三百名 遂溪湛川巡檢司三十名 濶洲巡檢司

三十五名○徐聞東場巡檢司三十名 寧海巡檢司三

三十名○徐聞東場巡檢司三十名 寧海巡檢司三

三十名○徐聞東場巡檢司三十名 寧海巡檢司三

三十名○徐聞東場巡檢司三十名 寧海巡檢司三



名白鴿寨十八名 雷州營 兵五百四 十六名 ○兵船白鴿

五隻 兵餉 四兩一錢八厘 ○雷州營歲支布政司并雷州府餉銀八千六百

府餉銀五千六百 九十六兩四錢

屯田 雷州衛左所 屯八日茂林日邁酒日鎮福日

窰右所 屯十日那隱日保寧日邊萬日地坡日調中

所 屯十日斜離日草洋日三洋日馮公日邁前所 屯

二日東萊日都濠日討律日莊榮日那扶日那那日那

那宋日莫村日調亭日高畔日那扶日那那日那 屯

二百五十一頃九十九畝二分糧 海康守禦千戶所 屯

田四十一頃八十八畝糧五百五十八石 海安守禦千

戶所 屯五日討窰日討哨日張疇日賓板日口東 樂

民守禦千戶所 屯七日塘飯日調禮日郭家日金欽

三十畝七分糧八升 錦囊守禦千戶所 屯六日那旺日

滿黎口邁咬日連村田三十石 守鎮石城後千戶所 缺

六頃六十畝糧五百零一石

軍器 雷州衛 軍器共六千八百九十二件料銀一

絲八忽八微九纖存造六瓣明盔四頂觀盔四頂齊

腰甲四副彩畫虎頭長挨牌八面墨漆鞘斬馬刀四

把明油真皮撒袋十副通計三十四件料銀二十三

兩七錢七分四釐三毫五絲八忽八微二纖改造寬

簷鐵帽十六頂重油吊線皮甲十六副圓牌三十二

面單層沙皮黑漆撒袋四十副黑漆條弓五十張正

廣東通志

卷之五十五

雷州府

六頁十字



副白絲弓弦 五百條全斡鐵箭三千九百七十六枝  
 黑漆靴鞅刀五十把通計四千二百八十件料銀七  
 十兩七錢九釐四絲七忽添造佛朗機鏡管二十把  
 每把連提鏡子一箇鉛彈四百箇神機螺螄箭各二  
 百五十枝鈎刀十張眉刀二十張短鎗五十根弩五  
 十把藥箭一千五百二十八枝通計二千五百七十  
 八件料銀四十三兩零七分 各所軍器共一千九百  
 一釐九毫三絲三忽七纖 各所軍器共一千九百  
 十一兩五錢五分五釐六毫七絲三忽一微五塵存  
 造六辨明盔一頂觀盔一頂齊腰甲一副彩畫虎頭  
 長挨牌二面黑漆鞘斬馬刀一把明油真皮撒袋二  
 副通計八件料銀五兩六錢五分五釐五毫五絲九  
 忽二微七纖改造寬簷鐵帽四頂重油吊線皮甲四  
 副圓牌八面單沙皮黑漆撒袋八副黑漆條弓十五  
 根正副白絲弓弦三十條全斡鐵箭八百八十二枝  
 黑漆靴鞅刀十把通計九百六十一件料銀一十  
 六兩八錢二分一釐二毫六絲四忽五微添造佛朗  
 機鏡十花連提鏡子一箇鉛彈二百箇神機螺螄箭  
 各一百枝鈎刀五張眉刀十張短鎗二十枝弩二十  
 把藥箭五百二十八枝通計九百九十三件料銀一  
 十九兩零七分八釐八毫五絲九忽一微四纖

墩臺九十七雷州衛之墩臺曰陳鐵曰彭落曰下山  
 曰黃西曰北畫曰臨海曰舊縣曰娘壽曰芎村曰北  
 山後曰黑黎曰黎村曰北稟曰通明曰三盆曰蒲芎  
 曰高山曰大村曰河北曰大藍曰南山後曰木綿曰  
 東鄉曰黑石曰調彈曰黃家曰暗舖曰鴨祿曰淡水  
 曰新興曰大林曰石頭曰那齊○海康所之墩臺曰  
 英良曰打郎曰那金曰老沙曰英嶺曰那勞曰那澳



曰浪曰徒會曰平欄曰徒房曰雙峯曰那打曰西澳  
 潭曰郎島曰吳蓬曰坑尾曰調担○海安所之墩臺  
 曰博漲曰沓磊曰齋崙曰那黃曰討網曰麻鞋曰麻  
 豐曰新地曰東碗曰包西曰東場曰八燈曰瑯琊○  
 樂民所之墩臺曰北社曰對樂曰田頭曰牛僚曰博  
 里曰抱金曰新安曰極山曰洪排曰博袍曰特浪○  
 錦囊所之墩臺曰調嶺曰水頭曰吳家曰建寧曰崙  
 頭曰黃塘曰調黎曰南蕉曰博臘曰赤坎曰博賒曰  
 東澳曰白沙○石城所之墩臺曰烏兔曰凌祿口多

那曰松明○遂溪之墩臺曰遂溪曰白沙曰黃畧曰  
 麻趙曰百姓

堡一遂溪之堡曰橫山在縣西北六十里雷州衛旗軍七十名

壇廟

雷州府社稷壇在城西北元天曆廉訪賈煥建于府治西三里國初遷于城西北天寧

後嘉靖丙午知府林恕重建風雲雷雨山川壇在城南舊在西南坡嘉靖戊子知府

楊表以墳骸凶穢非棲神所乃遷天寧郡厲壇在城北

寺西丙午知府林恕遷于書院舊址郡厲壇在城北嘉靖戊戌

在演武亭下嘉靖丙午知府林恕遷于迎恩亭之右風壇在城北嘉靖戊戌

府林恕遷于迎恩亭之右風壇在城北嘉靖戊戌

風義起設壇于東洋海岸以祭丙午知府林恕遷于

南渡津頭砌石作圓渠隨潮消長引水旋壇為臺甲



寅知府羅一鷺以道途泥濘行禮不城隍廟在府治

便又遷建于郡北郊五里設壇望祭東鎮寧

功延祐間建于元帥府元因之洪武五年建于文廟

西嘉靖元年督學魏校毀玄妙觀像癸未知府易泰

即觀而雷廟在府城南英榜山洪武中改雷伏波廟

改遷之在南橋祀西漢邛離侯路博德東漢新息侯馬援二

公皆以伏波將軍有功嶺南雷人祠祀之紹興四年

提刑董弁重脩弘治中太旌忠祠在西湖東宋乾興

監陳榮參政任敷脩建初建祀寇萊公準

寶慶中知州十賢祠正德中知府王秉良建于旌忠

陳大紀重脩蘇軾蘇轍趙鼎李綱王巖叟胡銓秦觀李光

者寇準蘇軾蘇轍趙鼎李綱王巖叟胡銓秦觀李光

任伯雨也咸淳中郡守虞應龍建有宋文天祥記

穎濱先生祠紹聖間公謫雷州去後人慕其風烈秦

公祠民建以祀知府秦忠義祠祀海康知縣王麒也

極力賑恤率民禦敵而沒事聞贈通判賜額忠義

海康縣府俱與

遂溪縣社稷壇在縣治一里風雲雷雨山川壇在縣南邑

厲壇在縣城隍廟二年知縣王淵建關王廟在縣南

徐聞縣社稷壇在縣治西風雲雷雨山川壇在縣邑厲壇

在縣城隍廟治北伏波廟治南亭榭

海康縣楚谿樓在海康縣古城東春秋時楚子熊惲

其界自宋已載之志籍樓卓處郡城之上登覽四方

洞達因名歲久傾圯通判袁潭遷於郡之北門城上

海康縣志 卷之五十五 三十一



**南樓** 在郡城南門上宋郡守虞應龍建改為譙樓文天祥為記元季郡治西遷洪武二年指揮同知張秉彝開設武衛重建創置壺漏歲久傾圮弘治十

一年僉事方良永鄧槃知府李敷指揮馮欽重建下砌拱門上起層樓十一間高二丈四尺

**東樓** 在東城比舊南樓僅上之七云宋文天祥記

懸禁鍾宋因南漢舊址重建洪武二年指揮張秉彝改遷于衛東指揮楊經等助銅一千二百斤鑄鍾其

圍一 **信芳亭** 在西湖中參 **放生亭** 在湖西南岸側有夫 **信芳亭** 將張岳記

**十賢亭** 在西湖之上咸淳建 **狎鷗亭** 在湖東岸隄知

建 **狎鷗亭** 在湖東岸隄知 **十賢亭** 九年郡守虞應龍

李綱 **狎鷗亭** 在湖東岸隄知 **十賢亭** 九年郡守虞應龍

伯兩也後專祀寇公兵燹以來堂廢併附入旌忠祠

郡祭寇公次祭諸賢弘治壬戌推官李文獻重建堂

三間附于寇祠之左祀蘇轍以下九公 **時思堂** 海康陳

正德丙子提學副使章祿郡守王秉良以義起立庶

轉運使柳仲幹神牌此以 **望雲亭** 在海康城外南亭

足十賢之數宋文天祥記 **望雲亭** 坊郡守何庚鑿渠

隄疏湖水以灌田故名亭曰望雲以 **時思堂** 海康陳

東洋萬頃禾稻如雲也正德間重修 **時思堂** 季善建

以祀觀丘 **四德堂** 在雲衢坊祀賢郡守何庚

濬作記 **四德堂** 戴之卻薛直夫孟安仁

**遂溪縣勸農亭** 在特侶塘岸西側每歲二月望日郡

東作蓋古九推意也正德丙子知府王秉良乃 **清政**

蓋亭宇繼後以時脩葺重民事也今亭翼然 **清政**

**亭** 在縣南惠民坊橋上洪 **祭海亭** 在縣第三都英霸

武初年創立後傾圮 **祭海亭** 村每歲三月十二

六月十二日縣官望祭東海之神 **去思亭** 在縣治西

成化丙午知縣黃瓊重建今廢 **去思亭** 嘉靖間鄉

民懷班尹颯惠政而作歲久亭圯其地為黠民陳觀

祖古為居肆萬曆丁酉二十五年縣丞俞汝功逐之

故址 **清味亭** 在縣治西南有二水合流通大溪樹木

復焉 **清味亭** 天喬嘉靖甲子重陽本府節推張鳳鳴

復焉 **清味亭** 天喬嘉靖甲子重陽本府節推張鳳鳴

復焉 **清味亭** 天喬嘉靖甲子重陽本府節推張鳳鳴



登臨遊玩有感  
建亭扁曰清咏

古蹟

海康縣古合州

在漢元鼎始以徐聞得名不知在州  
治何地至梁大通間改為南合州在

于特侶塘邊唐天寶二年遷麻歷村貞元初復遷特  
侶塘舊址後梁開平四年遷于平樂白院村南漢乾

亨二年仍遷回特侶塘舊址乾亨十年遷今府治  
三年遷今衛治元至元間遷今府治

建置在今雷州衛治為古縣治南漢乾亨十二年州  
遷縣治遷于西澄清坊元至元十八年又以縣治設

雷州路縣遷改不定泰定元年在城南隅愷梯坊面  
城而立洪武二年遷府治後其舊縣遺址為軍營

雷州縣故址

在海康縣境隋志云大業初廢  
模落羅阿雷川三縣入海康縣  
貢士莊

宋郡守薛直夫捐貲建郡人樂助者買田百餘石為  
貢士莊凡遇舊舉子會試登途盡祈積以送行元延

湖廣省亦是庄資給東亭在城外思亭在雷州衛治宋  
郡守張紘建取

君子思不出其蘇公樓在城南即吳國鑑館子由之  
位之義自為記蘇公樓所時子瞻亦謫儋耳同處月

餘靖康令余淳禮買居前隙地建遺直軒中繪二蘇  
像嘉定郡守毛當時即其地建樓以表之咸淳郡守

陳大震乃遷樓於西湖與寇萊公祠並元末廢正德  
間郡守王乘良又即舊址建樓刻二公詩詞于上今

井王國才池亭蘇轍詩馬上初驚香入衣臨風騷首  
廢駐金羈幽亭深在荷花裏道在王家

小墨三賢堂宋郡守陳大震建在平湖  
池書院內祠寇萊公井二蘇  
夢歸堂朱陸

寓居胡銓隸三曹氏園亭寇準詩野靜長原迥亭開  
大字榜楹間夕吹清登臨時一望海樹

與雲英靈陳司馬宅寇準詩公餘策馬到英靈幸有  
平寇僚伴使星人物熙熙風景盛

好將佳會薛公生祠在城內守廉坊宋嘉熙間薛直  
入冊青大來守是邦鑿渠興水利有功  
彥朝



於民去日郡人相率於蘇祠之東立生祠西館在平

監碑以存不忘之念祠廢今遷附名賢祠院西末寇蓬萊館在府治東蓬萊坊一名觀稼亭在

東門外宋郡守薛直夫建元郭思誠改創城上歲橫

舟亭在府治西宋郡守陳大震建取寇準孤舟盡日

孤村曰沫飛曰活潑地曰狎鷗曰放生俱大震建

國朝成化間郡守魏翰正德間郡守王秉良重脩今

惟放生狎鷗二瑞芝堂在府舊治宋建名無訟

亭存餘俱廢堂易今名百花

堂嘉會亭俱在府治宋時建帥正堂在衛忠義祠舊在城內

建以祀海康縣知縣追贈通判王麒也天順二年地

方多虞百姓饑饉侯極力賑恤且統率民夫迎敵

日獨犯前鋒大戰于那柳村中矢而沒事聞贈通判

賜額曰忠義有題咏以治癸亥推官李文獻遷附於

泰公祠之側始非立祠之意矣其舊址今為文昌祠

遂溪縣廢椹川縣舊有椹縣隋改曰椹川廢遂溪縣

即古之鉄把縣紹興二十年遷縣西崇猶堂在文墨

南乾道四年再遷今縣遺址尚存崇猶堂在文墨

五年尚志建文明書院在縣西南樂民千戶所城內

道經興廉村宿淨行院回顧山川謂鄉士陳夢英曰

此地勝景當有文明之祥即以其地建文明書院後

歲久傾圮今萊公井在英靈里祭海亭前昔寇萊公

悉為軍營薛直夫遂立亭祭海亭在縣南第三都英靈村每歲

其上刻名于石龍爬石在舊縣東五里崑崙埠宋嘉定

官遙祭東海龍爬石九年天大雷雨而龍降其地爪

痕在石如鑿有泉水而石湧出旋

為潭鄉村人每遇天旱於此求雨



徐聞縣舊徐聞縣唐貞觀間立在麻雜村貞女臺在縣  
元至元遷于賓朴村  
黑石門山之巔相傳昔有女子父母沒於此守志不嫁鄉人為立臺焉

瑩墓

海康縣 國朝知府馮彬墓在縣北山

遂溪縣宋蕭莞帥墓在縣南南傍塘館舖側

徐聞縣宋公主墓在縣東三十里邁稔村傳云公主偕附馬陳以進薨以生人殉墓前

有公主 駙馬墓附馬陳以進十六都人與公主偕行

明堂石 知縣平銅墓弘治間卒于官力不能歸遂塋

逢堯改遷 壙于邁亭

漏澤園三縣俱缺

土產

穀有早稻有黏子稻有芒稻多秣稻多百稔稻多黃  
 有九月粘有芝蔴有糯黍有荳稻多坡稗稻有八月粘  
 粟有大粟有狗尾粟有小麥有綠荳大荳紅荳  
 有白芥有紫芥多春不老芥多白菜多蕪菜多菠菜  
 多蕘蓮多蘿蔔多苘蒿有茭筍有蒲突多莧菜有葱  
 有蒜有韭有薑多粉菜多頭髮多青苔多薯多蕓多  
 猪豆多刀鞘豆有冬瓜有西瓜有苦瓜有金瓜多葫  
 蘆 果有桃有梅有李多柑多橘多柚有香圓多荔枝  
 多龍眼多橄欖多楊桃有芭蕉有推子有波羅  
 密有倒粘子有藥有白丁香有麥門冬多益母草有香  
 西瓜有甜瓜 草麻子有冬門冬多益母草有香  
 附子多芭荳 竹有麻竹有大頭多青木 有樟多松多  
 有天南星 皮有黃竹子多茨竹 山桂有山蘿



有鶴花多茉莉多蘭花有月桂有含笑有木犀多七  
 木里多茶藤多鷄冠有菊有百日紅多狗牙花  
 多佛草多鳳尾有猪耳有九里明多馬鳥多鷹多烏  
 桑多雀有鷓鴣有鶴有黃鶯多獸多虎多豹多麋多鹿  
 伯勞多杜鵑有山鷄有水鴨多猴有山馬有野猪  
 有箭猪有香狸多穿犛多塘虱多白帶多竹葉多紅  
 山甲有狐狸有獺魚花有黃齊有金錢花多馬蛟  
 多羊肝多鯉多鱒多鱸有黃有鯪有鯽有介有  
 海猪有鋸沙有鹿沙有鱗有海翁多魷多鱧白龜  
 有鰻有鱉有鱉多蜆多蠔多蟹多螺貨有綿布有葛布  
 白螺多血螺多指甲螺多馬蹄螺多苧麻布多青  
 麻布有黃麻布有絲多蜜多黃蠟  
 有麋皮有牛皮有鯊魚皮多鹽

珠池附珠池一曰對樂即樂民在海康縣境

廣東通志卷之五十五

廣東通志卷之五十五

郡縣志四十三

雷州府

職官

南朝梁雷州刺史

陳文玉

南朝陳合州刺史

長沙王叔堅

唐雷州刺史



張採 曲江人

柳仲卿 大時以出醫

常保德 以率

陳聽思 閩州人

長史

馮曷 南康人

司馬

李康

參軍

魏佑

元琇

崔彥融

宋知雷州

檀明懿 開寶間任

景漢

駱守文

衛廷皓 已上太平興國中任

鄭勢 雍熙間任

楊維新

楊保祐 俱淳化間任

李慶

王應圖 俱咸平間任

錢總 景德間任

岑仞

徐清

賈守約

杜維則 已上大中祥符間任

黃倩

崔道隆 已上天禧間任

宋景陽

譚友直 已上天聖間任

戚舜元 明道間任

陳惟德 景祐間任

盛德甫

張紘 已上皇祐間任

張從簡

林車美

林昆 已上嘉祐間任

王汾

周應期 已上治平間任

毛箎 熙寧間任

陳注 元豐間任

黎獻臣

沈達

朱棗 已上元祐間任

毛真友 紹聖間任

劉洪安 大觀間任

李國才 政和間任

譚銳 宣和間任

周介 靖康間任

董縉

李域

陶堯夫



元雷州路總管  
卷之五十六  
雷職  
三  
慎可

朱彥  
戴堯仁  
李處經  
高居弁

俞冷  
陳豪弼  
王趨  
趙伯樞

胡宗道  
黃勳  
何庾已上俱紹興間任  
鮑同

戴之邵已上乾道間任  
黃克仁  
李鼎之  
李茆

曹朴  
張翮  
朱熠已上淳熙間任  
吳師尹

李巢  
趙師傅慶元間任  
林訓  
李皎

李實已上嘉泰間任  
鄭公明  
王洽  
徐應龍

鄭温  
譚幼學  
趙善玘  
王當時

陳禪  
陳萬春  
陳斌已上嘉定間任  
陳大紀寶慶間任

薛直夫嘉熙間任  
儲擢淳祐間任  
孟安仁  
秦侃已上淳祐間任

陳大震  
虞應龍咸淳間任  
方子主  
方儒良興化人朝奉郎

蘇洸  
黃萬頃  
柯夢旂永福人武舉

通判  
吳竑  
王進之  
董世龍  
魯宏父寶慶間任

趙希邁端平間任  
趙希呂  
林希孔

參軍  
寇準乾興元年熙司馬

元雷州路總管



謝廷玉

通判

曹鑿玉

唐子錫俱海康人

遂溪縣尹

唐子鍾

王威

海康縣尹

楊順

徐聞縣尹

馮時溥

廖文剛

國朝雷州府

知府

秦時中

賈奕

呂智

黃敬

常仕昌嘉禾人

戴浩

王曼

莊敏

潘鏞應天人

黃瑜

魏瀚

鄧璉

趙渾

李敷寧遠人

趙文奎

程吉平樂人

王秉良

易綦上元人

楊表

黃行可

洪富晉江人

葉尚貴溪人

陳嘉禮

林恕

羅一鸞

魏文煊侯官人

陸瓚龍游人

王子卿仁和人



林應雷 閩縣人 進士

楊承閔 鄞縣人 進士

唐汝迪 宣城人 進士

陳九河 樟平人 進士

朱廷袞 進賢人 舉人

陳贊 南昌人 進士

周良賓 普江人 進士

林民止 莆田人 進士

林廷陞 莆田人 進士

伍士望 南昌人 進士

葉脩 南昌人 進士

同知

余麒麟

鄧章

張仲玉

陳申 閩縣人

張金陵

陳遜

史鍵

王聰

宋璉

王莊

劉彬

周良

吳宸 安仁人 舉人

屈伸 南寧人 舉人

劉錡

馬京

張景元 天音人 舉人

方山

楊寬 涿州人 舉人

毛鵠 廣西人 舉人

朱子宣 莆田人 舉人

陳和傳 全州人 舉人

趙仲 桂林人 舉人

孟雷

張槩 侯官人 舉人

沈賁 江夏人 舉人

張準

王勳 仁和人 舉人

蕭文清 廬陵人 舉人

林秋 閩縣人 舉人

山禹 崑山人 舉人

潘承祥 浙江人 恩生

殷濡 常熟人 進士

嚴淮 太和人 舉人

趙佑卿 蘭谿人 舉人

徐學周 嘉興人 舉人

蔣清 南寧人 舉人

萬煜 南城人 舉人

龍時躍 恭城人 舉人

通判

李希祖

邢用

孫佐

李彥誠

林和

周麟

石林

趙敬

戴光 南海人 舉人

劉鎮

陸麟 舉人

黎瑾 梧州人 舉人



李軾 揚州人

賈昌 祥符人

方山 莆田人

楊雲 泰和人

詹坤 福寧人

李柸 太平人

呂鼎 新昌人

羅象 高安人

袁岳 宛陵人

楊伯謙 亳州人

朱象賢

王瑩芝

袁理 甌寧人

張表 東安人

吳惠 金谿人

李能香 平和人

蔡弘宇 馬平人

戴希頤 馬平人

徐樞 邵武人

康日章 莆田人

黃崇慶 晉江人

陳宗虞 莆田人

林楚 漳浦人

漢陽渠 廣德州人

傅宴 即陽人

葉茂晚 延平人

朱蠶龍 江浦人

劉華祚 安福人

推官

何廉

陰吉

具魁

徐清

劉祐 衡州人

余鍾

方俊 西安人

李文獻 莆田人

游重瑀 新州人

趙晟 吳江人

劉世祥 馬平人

徐達 金谿人

方繼明 錢塘人

何森 懷遠人

柯乾敷 晉江人

袁株 興化人

孫炤 慈谿人

陳紹 高安人

張鳴鳳 臨桂人

羅文清 江西人

鄭國賓 平溪人

陳王政 上虞人

江文伯 新城人

陳琛 長興人

滕其霖 建寧人

鄭子亨 羅源人

陳泰且 上虞人

黃達卿 閩縣人

張應麟 浦江人

高維岳 宣城人

海康知縣

陳本 會稽人

黃寅

黃弼

李素 宣山人



王祐 龍泉人 王麟 太和人 丘瑄 福建人

胡鑑 長沙人 彭磐 林彥脩 王墳 晉江人

徐綱 宜山人 何器 長沙人 甘崇節 潯州人 王詳 莆田人

李琳 廣西人 白謨 武進人 蔡春 西山人 陳佐

郭備 贛州人 王珏 湖口人 唐侃 全州人 楊澄 宜山人

吳仁宏 福建人 易亨 臨桂人 王繼芳 閩縣人 章棟 臨桂人

龍燦 欽州人 蔣蘊善 全州人 李邦奇 宜山人 黃守規 貴縣人

郭鈇 安義人 沈汝梁 漳浦人 陳錦 漳浦人 秦懋義 仁和人

凌奮志 廣西人 何復亨 臨桂人

遂溪知縣

王淵 湖廣人 元太初 張昭 晉江人 孫輔 已上俱洪武間任

馬誼 永樂人 蘇觀 惠安人 陳義 叙州人 李鷲 景泰間任

馬良 北直人 崔道 江西人 孟元 湖廣人 楊徹 福清人

龔燹 南寧人 楊琛 江西人 黃瓊 江西人 韓經 直隸人 已上俱成化間任

鄧昌 江西人 劉玉 湖口人 陳良弼 華容人 陳良策 柳州人

雷世鳴 清流人 蔡春 西山人 黃裳 桂林人 歐鑿 蒼梧人

張惠 福州人 鄧恕 清江人 班佩 和州人 杜杲 贛州人

熊希程 馬平人 張天叙 晉江人 尚文光 公安人 龔轍 上梅縣人 已上俱成化間任



吳天傳 林桂人監生 杜伸 黃岡人進士 陳學益 宜山人舉人 林春茂 閩縣人舉人

譚召 大庾人進士 盧應瑜 順昌人舉人 陳連詩 晉江人進士 袁時選 鄞縣人進士

徐聞知縣

武毫 浙江人 蔣伯佳 洪武元年任 石彥誠 進士永樂元年任 李就 廣西人正統三年任

朱瑄 廣西人監生 劉瓘 江西人監生 鍾富 江西人監生 朱鑾 宜春人

鄭晉 莆田人監生 林昂 福建人監生 陳養正 趙敷 廣西人舉人

平鋼 長洲人 盧玉 高安人舉人 林克閔 閩縣人 汪澤 竹溪人監生

楊魁 隨州人 王朴 嘉和人 章昂 餘平人舉人 黎允 茶橋人舉人

朱夢昌 高安人監生 謝崇憲 公溪人監生 呂璋 桂林人監生 徐衍 龍溪人舉人

方逢堯 樂平人監生 李鎰 桂林人舉人 袁伯嵩 增城人舉人 康雲程 莆田人舉人

謝朝爵 建寧人舉人 張師益 宜安人舉人 田舜耕 廣西人舉人 蔡宗周 龍溪人進士

陸策 豐城人舉人 熊敏 新昌人進士 陳瑞錫 侯官人監生 張大猷 黃陂人進士

張日曜 福清人舉人 選舉

薦辟諸科

梁陳文玉 海康舉茂才

進士

宋楊原興 海康淳熙五年 陳宏甫 淳熙八年 王應容 嘉熙二年



遂溪紀應炎 楊懌 程雷發 寶祐四年 莊嗣孫 咸淳七年

國朝海康 廖謨 原泰和籍 林亨 何炫燁 黃本固 馮彬

林現 吳謙 倪益 原江西樂平籍

莫天賦 嘉靖壬戌

徐聞 林宗溥 洪武十八年 鄧宗齡 萬曆癸未

鄉貢

宋海康 楊植 元祐三年 楊原興 淳祐四年 王倫 咸淳四年 莫士純 至大間

元海康 陳杞 王震 王景賢 俱延祐 郭雲龍

王紳 泰定

遂溪 吳正卿 泰定

徐聞 梁特卿 至大間

舉人

國朝海康 廖謨 洪武十七年 何炫燁 洪武二十年御史 羅真誠 洪武二十三年 陳士祿 洪武十九年教諭

馮守中 革除巳卯 林文亨 永樂壬午 黃本固 永樂壬午 林現 永樂壬午

吳謙 永樂壬午 顏秉莊 永樂乙酉 吳愈 永樂乙酉 倪益 永樂戊子

鄧觀現 永樂戊子 晉寧州知州 王欽 永樂戊子 知縣 唐詵 永樂戊子 教諭 吳處義 永樂戊子

陳本 永樂戊子 容縣知縣 官衍芳 永樂戊子 郭炫 永樂戊子 洪真護 永樂辛卯

吳通 永樂辛卯 鄭壘 永樂辛卯 郭鼎 永樂辛卯 陳延 永樂辛卯



李實 永樂 辛卯

陳亶 永樂 辛卯

黃裳 永樂 辛卯

尚真詳 永樂 辛卯

張昊 永樂 甲午 平樂知縣

楊清 永樂 丁酉

李晟 永樂 丁酉

李璿 永樂 庚子 陝西會事參議

林勝 永樂 庚子

王吉 永樂 庚子

陳藍 永樂 庚子

武瓊 永樂 癸卯 第二名

林岑 永樂 癸卯

文懷本 永樂 癸卯

梁玟 永樂 癸卯

陳仕潮 永樂 癸卯 南京鄉試

陳士興 永樂 癸卯

王畿 永樂 癸卯

許昇 宣德 壬子

符玘 正統 五年

莊麟 正統 五年

李昕 正統 五年

陳琳 正統 丁卯 知縣

何鉞 景泰 庚午

梁裕 景泰 庚午

林惠 景泰 庚午

馮鑑 天順 乙卯 通判

羅璋 成化 戊子

莫卯 成化 辛卯 知縣

梁從義 成化 甲午

劉鈇 成化 辛卯 應 縣試推官

張德 弘治 戊午

林經 弘治 壬午 臨桂知縣

林鳳鳴 弘治 甲子 道州知州

羅奎 正德 丁卯 知縣

莫欽 正德 癸酉

陳時雍 嘉靖 乙酉

馮彬 嘉靖 乙丑

高文舉 嘉靖 戊子

馮世華 嘉靖 辛卯

陳時亨 嘉靖 辛卯 廣西鄉試

詹世龍 嘉靖 庚子 中廣西鄉試

凌霄 嘉靖 丙午 知縣

莫天賦 嘉靖 十八年

周元賓 嘉靖 壬子

鄧邦瑞 萬曆 丙子

柯時復 萬曆 乙酉

林起鸞 萬曆 戊子

莫爾先 萬曆 戊子

袁劉芳 萬曆 辛卯

鄭繼克 萬曆 甲午

何起龍 萬曆 庚子

李志高 洪武 七年 遂溪

陳厥后 洪武 庚午 延平知府

陳惟恭 洪武 丙子 教授

陳淵 洪武 丙子 教諭

王德 洪武 丙子 教諭

吳宗直 洪武 乙卯 中 禮部儀制司印中 南畿鄉試

黎球 洪武 乙卯 鹽運判

吳文奎 永樂 元年 教諭

陳貞豫 永樂 乙酉 御史

林成 永樂 戊子

蔡從舉 永樂 辛卯

陳綱 永樂 甲午 訓導

彭睽 永樂 癸卯 刑部員外

陳矩 永樂 癸卯

陳昊 永樂 癸卯

馮翼 宣德 元年

陳蕃 宣德 元年

鄭文 宣德 壬子 教諭

陳善 宣德 壬子



王奠 弘治二年知縣 張安 弘治十年惠安知縣 陳于陞 萬曆丁酉

徐聞 林宗溥 洪武十一年 廖允福 洪武庚午宜山教 蘇德厚 洪武二十年 趙浩焱 永樂乙酉戶部主事

楊永源 永樂乙酉訓導 王宗裔 永樂乙酉 陳應炎 永樂戊子兵科給事中 陳隆賁 永樂甲午訓導

林觀 永樂甲午 王廉 永樂甲午 馮哲 正統辛酉高要訓導 陳玄 天順壬午教諭

劉直卿 成化戊子 陳素蘊 嘉靖乙卯詔安知縣 鄧邦基 嘉靖辛酉通判 鄧邦髦 嘉靖辛酉知縣

陳文彬 嘉靖甲子 鄧宗齡 萬曆丙子 陳大訓 萬曆己卯 駱上乘 萬曆戊子

駱効忠 萬曆戊子 梁見龍 萬曆辛卯

歲貢

國朝 海康 羅道統 洪武間刑部主事 鄭宗 永樂間知府 洪泰 知縣 易震 知縣

吳淵 知縣 柯福 洪熙間立山知縣 林復新 通判 陳賓 正統間知縣

趙淵 知州 胡應春 知縣 楊昂 知縣 陳禧 景泰間推官

林思貞 嘉靖間連江知縣 馮文燦 興國知縣 馬文炳 知縣 黃源 知縣

岳崙 重慶通判 陳廷珪 知縣 方世元 脩仁知縣

遂溪 陳宗祐 洪武間梧州同知 何邦賢 太平府推官 梁端 知縣 陳文瑤 永樂間知縣

陳納 知縣 唐克柔 知縣 吳景 知縣 高仕賢 宣德間知縣

王榮 知縣 沈觀華 成化間知縣 周判初 太平府推官 林俊 福清知縣

黃煥 萬曆間桂陽知縣 鍾克敬 太平知府 劉文仲 刑部主事 鄧鑑 永樂間御史



劉慎耀州知州 鍾儒知縣 鄭敏知縣 鍾正巳宣德間知縣

陳鉉山東監察御史 鄭昊婺源知縣 鄧士元嘉靖間鹽運同知 鄭時賓通判

黃道盛知縣 鄭時賢知縣 林鳳儀知縣 鄧林春隆慶間知縣

封贈

國朝海康 何禎以子炫燁貴封御史 莫敖以子天賦貴封刑部郎中

遂溪 彭志堅以子坤曾承誥

名宦

語曰先事為後事師又曰欲謹於將來必式於往昔雷故有循吏也苟令其湮沒不彰何以使後人踵前脩而樹猷哉雷多山海之利民饒於魚鹽米稻而巨浸滔天衝城拔屋故有築隄遏流使民幸不為魚者必書鹹鹵逆流沃野化為荒塊故有鑿溝導水使民獲有年者必書顓蒙徂故常而文華未闢故有脩學校訓迪子弟使海濱鄒魯者必書雄寇橫戈逆倭蹂踐故有出奇擒虜嚴固江防使



民免於膏野者必書蓋苟可以範今垂後不以一  
肯掩大德不以寸長廢褒嘉令踵武者問俗興思  
不釋龔黃而讓治焉則簡冊所紀於雷未必無小  
補云

唐張採韶州曲江人祖九章鴻臚卿乃文獻之弟也  
奕世顯仕至採以明經任雷州刺史洎事寬弘不尚  
苛細人以爲得治體

柳仲郢字諭蒙京兆華原人父公綽累官至兵部尚  
書有忠孝大節仲郢元和末進士及第爲校書郎累  
遷戶部尚書封河東縣男爲山南西道節度使南鄭  
令權奕有罪仲郢杖之六日死貶雷州刺史至郡盡  
心民事以所抄經書訓士頃之以太子賓客分司東  
都咸通五年爲天平節度使初仲郢爲諫議大夫後  
每遷必烏集其第庭樹戟架皆滿五日乃散及是不  
復集卒于鎮

陳聽思潤州人咸通初爲雷州刺使臨政善斷以才  
能著嘗使人隨海船至閩往來因得夷情狀遂自閱  
兵以防海寇攻具皆備寇不敢至雷民安之



宋楊維新不知何許人淳化五年以太子洗馬出知雷州至道二年築子城朞月而畢民不知勞紹興八年海寇陳旺攻城郡賴得全士民莫不頌功

寇準字平仲華州下邳人乾興元年貶雷州司戶叅軍初丁謂出準門至叅政事準甚謹嘗會食中有羹汚準鬚謂起徐拂之準笑曰叅政國之大臣乃爲官長拂鬚邪謂甚愧之由是傾搆日深及準貶未幾謂亦南竄道雷州準遣人以一蒸羊逆境上謂欲見準準拒絕之聞家僮謀欲報讐者乃杜門使縱博毋得出伺謂行遠乃罷天聖元年徙衡州司馬在雷州踰年教民間渠引呂塘水灌東洋田萬頃旣卒衡州命乃至

譚友直者不知何許人天聖五年知雷州因俗爲政與民休息有聲于時

張絃字希伯廣漢人至和初知雷州暇日延耆老授諸生條教初雷俗重嫡反使尊老下拜宗子之卑幼者絃喻以少長親疎悉更舊習又增治城壘闢田瀦爲久遠計雷人戴之



李守柔字必強臨桂人紹興間爲海康令能弭盜安民時趙鼎貶雷州守柔待以故相禮秦檜聞之坐十年不調檜死始改邑佐除新州卒又常經宜州人大觀中舉進士通判雷州有善政

虞輔國李憲俱爲澄海將軍才畧雄一時以意氣相許紹興八年海寇陳旺攻雷州南城輔國與郡守議曰海寇勇於水鬪惟陸戰可挫其銳彼知城內有備必不敢久苟歛鋒而待則彼團結營堡必野掠饗軍復還攻我則城必危乘其勢之未形橫衝以撼之勝則城可保敗則賊知懼故守則禍深出則禍淺請戰矣郡守以勢不敵難之復請至再三李憲亦以死請遂開門出自朝至午戰數十合輔國死之李憲奮勇愈厲至暮亦死寇乃縱火而去城池獲全

蘇洸字澄老父欽自泉之德化遷仙遊官至利州路轉運判官洸以父任入官知臨川縣脩治述陂民號蘇公陂通判賓州時張栻爲帥以廉吏舉除知雷州秩滿赴闕而陳三劄一乞折納徐聞丁米以便民二乞籍海舟以戢姦盜三乞戒約廣西軍寨不得差人



回易改知新州民有何暮之歌移封州洗首請減放丁米及經制無額之數所至人皆德之

王趨不知何許人紹興十五年知雷州盡心民務舊子城圯壞乃剏築外城以遏寇盜雷人賴之宰相趙鼎南謫過雷趨厚款之州倅以聞秦檜檜怒坐謫全州

趙伯禔紹興二十四年知雷州鋤強扶柔民獲奠安以東西城壁未完乃陶執斃瓮其東西合黃勳所砌南北二城堅完高廣防弭有力焉

何庚春陵人紹興二十六年知雷州急於民隱常以興利除害爲事東洋田舊無陂塘庚相地宜鑿渠比導呂塘之水使之南下西導西湖之水使之東注合二水灌田數千頃公私獲利名其渠爲何公渠民至今思之

戴之邵廬陵人乾道六年知雷州先是何庚鑿渠引水而捍海隄崩無以禦鹹鹵之邵又沿海築堤建閘并浚二渠之湮塞者自是外無斥鹵之患內有灌溉之饒民享永利曰其堤爲戴公堤又遷郡序於海康



縣西自書進學說以勉學者復懇南軒張栻爲記以  
申詔之

李茆長沙人淳熙二年知雷州涖政勤篤尤尚風化  
簿書之暇即葺學宮與士子講論彝倫分別善利

徐應龍字允叔建寧人淳熙二年第進士嘉定間知  
雷州爲政寬厚愛民如子勸農興學雷人頌之

朱熠温州平陽人熙寧初武舉第一爲御史知雷州  
勤官恪職秋毫不取於民令嚴事集政教兼舉當時  
以廉稱

薛直夫字愚叟永嘉人嘉熙元年知雷州始闢試闈  
增貢士籍脩理學宮築建橋立市以便貿易始雷人不  
知醫藥病則召巫禱神而已乃置惠民藥局以療民  
疾有仁者之政

孟安仁寶祐三年知雷州脩築堤渠歲事以登民樂  
其利每當秋成皆歌且舞曰孟公之賜也善政及民  
後祀於四德堂

陳大震番禺人咸淳七年知雷州文辭敏捷政事寬  
厚慮西湖久或湮廢乃大築堤畝徙蘇韓祠于湖之



西改爲平湖書院復建八亭於堤上增其勝槩

虞應龍雍公允文之曾孫也咸淳九年由太常寺簿

知雷州脩學校興水利蒐軍實明律令平滯獄戮寇

盜覈丁籍以別老壯實民賦而恤孤嫠創十賢堂於

西湖之西建譙樓於州治之南並請文天祥爲記至

今猶存時分教李仲光自嘗講堂亦有文名

國朝武亮浙人洪武二年知徐聞縣時法制草創首

輯歸附招集流離脩舉廢墜學校公署煥然俱新凡

橋梁驛路陂塘竭力經營民蒙其惠至今稱之

王淵湖廣人洪武二年知遂溪時邑初草創淵至安

集流移編籍定賦闢草萊課耕耨脩築塘堰以灌畝

畝民享其利至今追思不忘

陳本會稽人洪武二年由儒士爲海康知縣初置公

宇區別廬井招撫流移編集圖籍撫綏初附遠近歸

者七百餘家又毀淫祠崇正祀勸農桑均賦役嘗導

水以灌東洋之田增築圩畝以防斥鹵後卒于官囊

無餘貲民爲賻殯

李希祖河南人洪武七年通判雷州府果于有爲脩



城池設廨宇整頓隄渠墾闢荒穢鄉立社學率民以義秩滿去州人贐之一錢無所受

秦時中單縣人洪武十七年知雷州府謹厚端嚴僚屬吏民咸畏仰之歲旱禱雨輒應脩復陂塘民沾其利令各邑鄉都建立壇所以嚴春祈秋報之祀卒于官民追思之立祠祀焉其後曾孫紘巡撫兩廣克紹箕裘云

黃敬天台人永樂七年知雷州府先是府多囚繫敬至悉爲剖決數日之間一獄盡空府境被潮漲民多

溺死敬設法賑其家多賴存濟任數年後民訟

歌之曰黃公來遲使民無依今公涖政惠我無私

石彥成南昌寧縣人永樂中爲徐聞知縣興學校重農桑毀淫祠罷橫斂公暇視學啓發士類卒于官士民奔泣如喪所生

戴浩鄞縣人正統八年自東昌府判擢雷州知府仁恕廉勤事無過舉浚渠引水脩理學舍增弟子員每遇旱祝云願減十年壽筭祈三日甘霖民稱之

陳義叙州人舉人正統己丑知遂溪縣律已廉潔平



易近民時有神君之譽六年交薦超陞廣西太平知府諶云陳義再生天有眼馬良不死地無皮良前令最墨

莊敏字廷功晉江人正統己丑進士歷吏科給事中景泰元年出守雷州威重臨民政務恬澹而事無不治尤注意於學校云

黃瑜南城人成化二年以當道論薦特授知雷州時兵荒相仍竭力撫字盜息民安秩滿加叅政俸留任洫政最久故其惠澤及民益深

王麒泰和人由鄉舉天順二年知海康縣賦性剛毅甘苦茹淡時疫死者萬計乃給棺殮立義塚瘞之流賊猖獗募勇士協官兵勦殺有功乘勝追抵那柳村飛矢中喉而死民之同難者數人疏 聞贈本府通判建忠義祠祀之

魏瀚餘姚人由進士歷陞僉都御史左遷嘉定州判成化中擢守雷州勸農興學脩舉廢墜居任六年颶風不作歲豐民給文章政事當時推重

劉彬永豐人成化間遷雷州府同知廉介無私聽訟無枉不能卑屈以悅當塗致仕去士論服其高



廣東通志 卷之三十六  
朱鑾宜春人成化十六年知徐聞廉恕公勤卒于官  
民多惜之

王鈺山東人雷州衛指揮僉事弘治乙卯領兵征信  
宜善射賊多斃俄而風雨驟作賊鼓噪而前日暮矢  
盡泥濘馬蹶中槩而死士大夫多賦詩哀之

劉玉湖口人由胄監弘治八年知遂溪廉以自持寬  
以涖下凡文廟簠簋爵罍範之以銅鼎建齋廡門戟  
門學校一新致政歸囊無餘物士民頌之

鄧璩宣化人弘治間知雷州府廉介剛方不避權貴  
馭珠池內侍持正不屈上司督責催科雖或挫之猶  
自若也疏戴公渠興學崇教有循良之稱

趙渾漳州人由進士弘治間知雷州府廉介不污決  
獄無冤踰年去任囊橐蕭然

趙文奎江陵人正德中以監察御史出知雷州府疑  
重端厚作興士類加恤耆幼剔奸植弱洗冤澤民不  
避權貴時上命採珠奎以連年荒旱奏寢其事三  
年陞雲南叅政

汪澤竹谿人正德中以青蓋任徐聞令有才幹時草



創建縣治儀門譙樓以司晨昏建文廟齋堂門廡鑿泮池設城隍開官井城池砌以磚石功居多焉

王秉良字伯存西克人進士正德間以刑部郎中知雷州性沉毅務振起廢墜尤厚遇學校脩海堤湖隄尤何戴之烈時守珠池中貴趙蘭氣焰方熾秉良與之抗民咸恃爲安蘭因構誣以私逮至京下獄蘭勢益張柳奪富民產業因捕民陳應魁撲殺之民群訟于當路竟無如何嘉靖改元御史陳實疏革守珠池內官事始白尋復長沙守竟忤權要去官雷民思之

### 祀名宦

林應驄字汝桓莆田人由進士任戶部員外郎嘉靖初議禮謫丞徐聞風采節槩名重一時在任未久脩鄉賢名宦二祠以公委出尋落職公論惜之

楊表字汝中龍溪人甲戌進士嘉靖五年知雷州府事有操守下民安之後遷兩浙鹽運使後有黃行可字兆見莆田人進士嘉靖十年知雷州府沉重清潔禮士恤民嘗開湖下舊渠引潮水直至橋下以通舟楫省戴負之方便商賈之業復諭白沙民開濬用闡



水灌田合郡德之爲立碑

陳嘉禮富順人由舉人知雷州時兵荒後嘉禮務舉廢墜興學校造器築堤開閘灌溉畝畝又脩徐聞縣治復海康縣儒學一時民心望治焉

孟雷字孔敬澤州人與兄霖同進士遷揚州府同知因裁革內使進用夫役逮獄事白嘉靖十九年改調雷州府甫三月明敏卓犖剖決如流以清介風察屬一時貪墨歛跡焉凡所興作不事督責而民樂趨之後擢陝西按察司僉事

林恕字道近長樂人已丑進士嘉靖甲辰守雷州朴直近民其治姦慝必窮根株於權貴不少避而城池學校公署樓亭壇廟圩岍凡可脩建利民者竭力爲之郡人鑿石開亭以紀其績

楊澄宜山人舉人嘉靖丙午知海康材識明敏平恕近民留心學校時方征黎總制諸司重兵壓境供應煩費澄當事區處曲當士卒所過無敢擾犯又遷建邑治及脩學築堤與民興利比去百姓懷之

羅一鸞閩縣人嘉靖中知雷州政尚寬厚決獄明允



簿書過目洞然吏不敢欺時值巨浸沿海居民漂屍盈野露冕出見泣數行下曰何忍吾赤子魚哉捐貲令人瘞之捍海堤崩發帑脩葺復建崇文書院以教育弟子後擢廣西憲副士民迄今慕之

陸瓚龍游人由進士嘉靖中知雷州府其爲政一以寬簡臨民而尤苦節時當入覲故事有夫馬供億瓚一切罷去及所餘贖鍰皆蠲除之三載不携家歸途行李蕭然士民立石以紀去思

唐汝迪直隸宣城人以吏部曹郎出知雷州值倭奴犯郡率衆死守治糧餉整部伍益以民間兵闔郡賴以保全汝迪之力也及寇退室空十九爲之勸農平糴郡轉殷富復脩書院立期會課多士濱海文風爲盛時頌爲振古循良云

班珮和州人嘉靖間由監生知遂溪縣時善剖疑獄民有殺三命累年莫決者禱于神得盜賊竟正其罪又嘗檢人命釋王鳳之冤其神明多此類後以績最擢去士民攀轅構去思亭于縣治西

張天叙晉江人嘉靖壬子以鄉舉任遂溪縣政尚廉



平括贖捐俸脩飾學宮樹亭闢舍新建書院群士講  
藝其間後祀名宦

論曰書稱明作有功效大成裕仕者紆綬臨民孰  
有急於此者哉雷爲邊郡而刺史稱良者若張採  
柳仲郢陳聰思皆能其官者也宋寇準以重臣被  
貶猶教民䟽渠溉田萬頃德惠何其廣與歷世以  
來譚友直蘇光黃瑜輩留心撫字王趨何庚趙希  
呂孟安仁諸君子相繼築堤導水夫非勤勞民事  
與別善利之途而有李邦禮賢與校而有鄭公明

楊澄海邦人文漸著則三人之功居多陳本毀淫  
祠風化攸正李希祖劉彬一錢弗受是吳隱之遺  
範也唐汝迪輯兵禦倭里境以寧則雷郡之長城  
乎哉乃若虞輔國以死寒強賊之魄雖武弁豈可  
遺焉嗟夫漢世循良以興教化爲本論者猶謂其  
雜霸談吏術亦何容易雷固僻土也下有珠璣玳  
瑁之利可以濟貧而督察大吏又歲不一巡視彼  
墨吏敢於貪黷安得有息盜子民興賢勤政如諸  
君子乎雷人尸而祝之當矣



流寓

唐崔彥融字應求清河人父瓘吏部尚書彥融以父蔭爲刑部員外郎咸通中宰相論其行令太過貶雷州司戶叅軍至雷温厚自持無復稜厲有子協冠字曰思化欲其遷過肖已也後擢萬年令

宋蘇轍字子由眉山人年十九與兄軾同登進士科又同策制舉嘗極言國政多切利弊朝廷竦聽世謂賈誼不能過也代軾爲翰林學士哲宗時王安石舊黨倡邪說呂大防劉摯患之欲稍引用以平夙怨謂

之調停宣仁后疑不決轍面斥其非復上疏其議遂寢元祐六年進門下侍郎同列李清臣欲絀元祐正論而主熙豐邪說轍上疏極諫上不悅落職汝州未至章惇再論轍罪責降朝議大夫試少府監分司南京筠州居住三年又責化州別駕雷州安置時值軾亦徙儋州相遇於藤渡海作詩相示轍和之轍携子遠抵雷章惇下令流人不許占官舍郡人吳國鑑造屋居轍於城南惇又罪其強奪民居下州追治以儻券甚明而止因賦寓居六詠軾亦和焉未幾移轍循



州至循杜門閉目使其子遠書於紙凡四十事爲龍川畧志其秋復記四十事爲龍川別志

秦觀字少游一字太虛揚州高郵人少豪雋慷慨溢於文詞舉進士不第強志盛氣好大而見竒見蘇軾於徐爲賦黃樓軾以爲有屈宋才又介其詩於王安石石安石亦謂清新似鮑謝軾勉以應舉爲親養始登第調定海主簿蔡州教授元祐初軾以賢良方正薦觀于朝除太常博士校正秘書省書籍遷正字兼國史院編脩官章惇蔡京誣其增損實錄紹聖初坐黨貶雷州徽宗立復宣德卽召還後卒于途軾聞之嘆曰少游不幸至此哀哉世豈復有斯人乎

論曰寓賢之在宇內也若鸞鳳然所過而人快觀之崔彥融蘇轍秦觀俱遷謫雷陽至今猶仰其風雖未必人人鳳也以爲異於凡鳥矣若裴瑑行誼不少概見陸升之排陷史氏袁覃好殺此鴟梟而長鳴者耶故舊志所載吾不敢並錄之也

人物

夫地由人勝自昔而然嶺南爲文明隩區薄海至



于雷陽標奇獻異地氣殆盡矣于是靈鷲山湖光離  
 嶺皆宅土之華而士亦多秀穎抒揚無沉抑之態  
 故高者奮鴻漸厲天衢而卑者亦奇節自喜不規  
 規矩矱翼而進之與海內嗣興固未知誰爭長也  
 吾因是以表雷陽焉

梁陳文玉雷州海康人生而明敏

世傳其家出獵得  
 鉅卵異之歸置諸

庭中忽一日雷震乃折  
 得一男子焉即文玉也

涉獵書傳有才智被薦辟仕

為本州刺史精察更治巡訪境內甦民疾苦懷集峒  
 落夷酋相繼輸款梁武帝降璽書褒賞之比卒鄉人

立廟以祀

宋陳汝達海康人少習經史未及應舉而宋事已去

遂隱居焉汝達時老病恐身後襲元國號預刻石為

墓碑曰有宋陳公墓以囑其子曰他日勿改吾刻也

墓今在擎雷山

元陳紀字楚材海康人淹貫經史頗鄉薦不樂仕進

讀書于山中深究性理之學士無遠近咸受業於門

所居之里曰義江元末群盜並起凡過其鄉必相戒

曰勿犯陳賢士家其為人欽慕如此



國朝周德成海康人洪武庚申舉明經擢休寧知縣  
爲政務大體勤于撫字戶口稅役分等編甲週而復  
始吏不敢欺人比之包拯辛未以軍事誤註逮赴兵  
部闔邑詣闕頌冤 詔從其請卒于客邸邑民哀惜  
如失所怙扶柩還塋于休寧城南歲時祭之

黃本固海康人登永樂甲申進士知馬平縣涖政清  
介嘗劾奏馮內侍削籍爲民未幾御史唐舟等疏其  
無罪尋起用至省疾作歸卒於家

陳貞豫遂溪人永樂乙酉科舉人累官監察御史持  
憲體有廉潔聲人不敢干以私

張昊海康人永樂甲午領鄉薦授廣西平樂知縣有  
惠政民立祠祀之家居清淡端直薄俗爲之一變

黃吉遂溪人永樂中由太學生授温州府通判陞柳  
州府同知恤民捍患有惠政民立祠事之尋擢延平  
知府祀鄉賢

鄧鑑徐聞人永樂間由監生擢山西道監察御史秉  
公執法不避權勢彈劾有聲人多憚焉

李璿海康人領永樂庚子科鄉薦由教諭遷知縣擢



監察御史廉潔剛毅有直聲景泰初廣賊黃蕭養攻圍省城幾陷璿奉調土兵二萬協同總兵官武毅攻賊有功陞江西按察司僉事歸杜門謝客囊無餘物以恩例進階一級祀于鄉賢

馮彬字用先雷州衛人登嘉靖己丑進士知平陽上海二縣以清白著徵為監察御史出按廣西振揚風紀撫輯河蠻恩威大著出補松江知府在松多惠政竟以狷直罷歸所著有桐岡文集尚書王弘誨叙稱其端方之操孤特之標云

詹世龍字見卿海康人嘉靖中由選貢授桂林府訓導先正德行後課藝文庚子領廣西鄉薦轉文昌縣教諭時文昌以魚課米支諸生廩糧經年莫給申當道革之至今賴焉後陞平樂知縣值北陀之反民無噍類設計招服闔郡保安復擢上思知州建城闢路興學恤民民甚德之

孝友

元吳國寶雷州人性孝友父喪廬墓大德八年境內蝗害稼惟國寶田無損人皆以為孝感所致云



陳應魁海康人爲郡諸生自幼以孝友著值內監趙蘭鎮守珠池覓民間產業時魁父陳亨家頗饒被逮箠榜不堪應魁痛父將亡往救其父蘭脫享留應魁加以炮烙之刑時士大夫詩章哀輓之

論曰馬不必並色期於及遠士不必合跡期於完行雷之稱豪雋者如陳文玉周德成之明察張昊輩之慈惠宦業不同陳汝達墓不書元黃本固劾奏內使馮彬以清直著聲陳應魁以死脫父文章節義不同要之治務得民則剛柔寬猛異其便民均也脩名檢者爲卓行長研討者爲博雅安收置軒輕殺身成仁則皎日可表旣已全其父矣一死何憾所謂骨朽而生氣存也嗟夫循轍則車不迷道卓哉哲人軌轍著矣士將並駕先民其毋舍周行而徑是務入焉

列女

元周氏者海康人朱克彬妻克彬早死無子周氏慮不免父母之命且獨生無所倚賴遂死從夫事聞表其閭



王妙璘者海康王谷榮女也賦性沉靜至元間徭賊寇掠被執將犯之妙璘罵不受辱賊驅之行遂投水而死

國朝謝氏遂溪縣教諭陳衡妻衡故時謝氏年方二十餘誓不再適節操無玷洪武二十一年旌表

柳氏徐聞縣在城民魏乞妻年十八成化元年徭賊流劫鄉村柳氏被虜賊見其有姿色以車載歸中途欲犯之柳氏設言吾父有銀藏在某處深井中引至井遂投井死群盜驚駭

莊氏海康吳金童妻也成化初廣西流賊劫掠鄉邑人民饑饉莊氏隨夫避難于新會寄寓劉銘家傭以自給銘見莊氏有容色欲犯之屢誘不從乃謀鄉人梁狗同其夫入海捕魚因擁下水殺之越三日莊氏見夫不還尋之海濱有一屍流岸側手足被縛莊認其衣服乃夫也即歸携其女赴水抱夫屍而沒時莊氏年二十有二也翌日三屍隨流遶銘之門去而復還鄉人感傷驚訝共殯祭之然未知銘之殺也後梁狗與人言其故人始知之然畏劉銘強暴亦未敢發



也既而傳聞漸著騷人墨客競為詩歌以吊焉有司  
 聞之遂捕劉銘梁狗詢實處以極刑審錄員外郎馮  
 俊奏聞旌表且檄新會縣於殯埋處立石表其墓仍  
 行原籍一體旌表今新會有莊節婦祠云審錄員外郎馮俊上  
 莊氏事畧曰莊氏生長田野出配蓬門禮義自明非  
 由姆教遭窘不能聊生隨夫流離異境衣食既資於  
 人居處罔由於已夫尚存時劉銘梁狗將欲犯之殺  
 然拒絕不從夫既被害忿劉梁無可奈何慨然抱女  
 同死事出非常心本無二如此秉德不回奚讓古之  
 烈女上則感動天地俾三屍流遶於原犯之門下則  
 興起人心致衆口稱揚於百里之邑儒士作歌吊旣  
 父老捐財殯埋伏乞旌表以勵風俗○陳獻章題莊  
 節婦祠北里有此墓千年亦不磨世方逐蔡琰吾甚  
 敬曹娥淫盜死殊色良人殘逝波江翻練裙帶激旌

有歌

彭氏遂溪諸生程明德妻德故時彭十九歲哀毀骨  
 立居喪執禮愈確奉姑陳氏至孝姑痛氏早寡勸再  
 適彭屏食以死自矢嘉靖二十八年旌表

賀氏遂溪民張謙妻年二十五謙故遺腹一子五閱  
 月方生時窘于流賊壓境或勸其別醮賀誓不二心  
 事舅姑益謹成化庚子提學趙瑤覈實 奏請旌表  
 李氏海康人吳一夔妻太學生李憐女也歸二載而  
 夔故李年二十遺腹生一女誓無他志勤績紡以奉



舅姑雖至親罕見其面舅姑輪亡哀毀瘠立典衣殯  
塋親自築墳觀者無不感泣嘉靖四十三年御史陳  
道基督學使者樊倣表其閭李氏終年六十五莫天  
賦有傳

何氏者諸生吳士介妻也年二十一夫故孀居守志  
哀毀瘠立泣血甘貧誓不再醮孀居十有餘年節無  
瑕玷有富民黃文寬欲奪其志訟于官何至縣門抽  
刀刎頸而死時海北道許孚遠憫其烈節表之

黃氏徐聞縣民鄭浩妻浩故黃養舅姑撫其子無二  
志有民陳糞悅其姿謀娶之黃不從糞訟其舅姑於  
官官強之黃知不免自縊而死巡按姚震來按郡廉  
得其實寘糞于法自製墓銘以旌之且爲之傳

鄧氏徐聞生員陳大賓妻舉人鄧邦基邦毫女弟也  
嘉靖庚申避賊躲於新倉堀賊搜山獲之罽以手抱  
其樹曰吾得死所矣願速賜死賊驅之往不從斷其  
左臂仍厲聲曰寧斷我首必不往時鄉人翟老被擄  
在傍張目視之謂我死幸累我尸賊遂刺其胸而死  
黃氏徐聞人鄭三妻生二男一女萬曆二年夫病將



卒與夫訣曰汝死我必從之夫死黃痛哭三日不輟聲棺斂畢辭諸兄嫂曰吾所倚者夫也夫故吾何存男女爲我撫養言終而入室自縊嫂追之無及矣

論曰辱身與辱名孰重汶汶而存與烈烈而死孰得此在志士仁人能辨之彼丈夫而需忍於利害者寧復知有此哉况乎女子非有圖史之迪保傳之諭且能從一之變要以死無媿至其遭難遇暴議不再計磔裂身首膏野塗地此其於重輕失得之故何衡之定而斷之決也嗟夫自古奸淫賣國弁髦其君何可勝道雖以管子天下才而相桓一事千古猶有遺恨若劇秦美新則無異桑間故轍矣安在其爲大儒耶噫詎可令彼女子見也







